

JEHOVA-JIRE ¹

 Amu kkale. Eci ncoolwe cipati, ku jokela sunumasiku. A cilongezyo cipati kuli ndime, kuboola a kukanana kuli ndinywe kujatikizya Mwami wesi Jesu, Oyo Ngweli masimpe kuti bunji bwanu mulizi, na Nda syoma mula cita, mu kujatilwa zibi zyanu a—a kwiinda ku nzila ya luzyalo Lwakwe, kuli ndinywe. Elyo akube kuti Abi kke kuli ndinywe, sunumasiku, luzyalo Lwakwe lunji. Cindi twa zwa okuno, akube kuti tu kakonzye kwaamba, mbuli baabo bakali kuzwa ku Emau, “Myoyo yesu yali kupya muli ndiswe, mbuli Mbwali kwaambaula a ndiswe mu nzila.”

² Lino, cifumo acimwi, Nda syoma ba jisi ii—ii—ii—ii muntu sibuleya mbuli nguwe. Ba. Vayle okuno bajisi ii—ii ciiyo, caku baanga nkwiingula mibuzyo a kwaambaula aa Lugwalo. Sa eco cili omuno mu buyake obu? Moonya mu buyake obu, bwa cifumo. Elyo ikuti na umwi uli angulukide, a bakutausi bamwi, na bamwi bambi, uyanda kuswaya, baa, uli onse uli tambwidwe. Elyo Mukwesu Vayle mwiiyi mupati ukubwene. Ncobeni, ujisi lwiyyo lubotu.

³ Elyo nkikaako, Nda kaamba buzuba bumwi, Nda—Nda lombozya ni Nda kali jisi lwiyyo. Nde elede kubelesya zikozyano, mbuli cintucimwi cimbi, kupandulula, nywebo mulizi. Nse jisi lwiyyo lukubwene lwa ku cipasaaula. Pele bumwi, na bumbi, Mwami ula ndigwasya ku cizwidilizya.

⁴ Elyo aboobo Nda yeeya, ciindi cimwi kwakali i—i muntu mu Lugwalo, zina lyakwe wakali Johane, elyo bawisi bakali mupaizi. Kanji, bakali kutobela eco bamawisi nco bakali kucita. Pele wa kajisi mulumbe ncobeni; wa keelede kwaambilizya Mesiya. Elyo lino ikuti na kaunka kunselelo ku cikolo oko bawisi nko bakaunka, ba kati, “Lino, uli zyi oyandwa Mukwesu *Niini-a-niini?* Oyo ngu Mesiya buyo,” ba kali kutandila kwaambaula muli ncico. Aboobo, mwabona, ta kaunka ku cikolo cimwi ca musyobo oyo.

⁵ Wa kanjila mu nkanda, oko nkwa kaiya Leza. Mula bona milumbe yakwe, kaiyutuka? Ta kajisi lwiyyo. Wa kanjila kali a myaka ili fuka yakukomena, wakazwa kali makumi otatwe, kakambauka myeezi ili cisambomwe, nkabela waka jaigwa kusubulwa kwamulao. Lino tu jana kuti wa kali... Kati, mbuli ba Farisi mbo bakayutuka, a ba Saduki, elyo wa kati, “Oh, nywebo nonzyalani ya nzoka!” Nce ncico nca kabona mu nkanda; nzoka, cintucimwi catombe acizwide kutezemuka, a kweena. Mwabona?

⁶ Lino muntuumwi kwayanda nakati, “Baa, yebo kaboola kaniini katakweankokaya kanyonganya,” na cintucimwi. Pele wa . . .

⁷ Pele, mwabona, ta kazi mabala aku belesya, aboobo wa kaamba buyo kuti, “Nywebo nonzyalani ya nzoka,” nce ncico nca kabona mu nkanda. Kati, “Nguni wamucenjezya kutija kuzwa ku bukali buboola? Muta taliki kwaamba, kuti ‘Tuli jisi, tu zulilwa kuli *eyi* a kuzulilwa kuli *eyo*,’ nkaambo Leza ulakonzya ku mabwe aya,” eco nca kabona, “kubusya bana kuli Abrahamu. Elyo keembe kali bikkidwe ku tuyanda wa cisamu.” Wa kalizi cakucita ku cisamu cibyaabi. “Onse uta zyali micelo mibotu, ula gonkwa akusowelwa mu mulilo,” kuumpa samu bbi.

⁸ Mwabona, oonse mulumbe wakwe wakali cintucimwi ca bulenge, wa kaukozyanisa. I bantu banamaleya bamvwisya ceeco. Elyo mpawo bala . . . Ndi yeeya kuti ziindizimwi inga caba kabotu aniini kucita kwinda onse aya mabala mapati malemu ayo bantu ngo baiyu mu zikolo.

⁹ Lino, twa kali mukide aniini masiku ainda, aboobo tu soleka ku mugwisya aciindi buyo, sunumasiku, ikuti na twa konzya. Elyo Ndi syoma kuti Mwami ta kolekeli mvula kuwa maningi sunumasiku, aa ciluli eci ca lubulo luniini, aboobo tuyu syoma buyo a—a kusola ku Mu belekela, ku bubotu bwa luzibo lwesu.

¹⁰ Lino atwiimikile mbuli mbo tubala Ijwi lya Leza, mbuli mbo tubala lino kuzwa ku Bbuku lya Matalikilo. Elyo tu talikila aa cipati 22 a kampango ka 7, kubala ka 14, kusanganya.

Elyo Izaka wakaambila Abrahamu wisi, a kuti, Ba taata: elyo wa kati, Mpaawa Mpendi, mwana wangu. Elyo wa kati, Bona mulilo a nkuni: pele uli kuli i mwanaambelele wa cituuzyo caku tenta?

Elyo Abrahamu wakati, Mwana angu, Leza ula libambilwa mwini mwanaambelele i wa cituuzyo caku tenta: aboobo ba keenda bobilo antoomwe.

Elyo ba kaboola ku busena obo Leza mbwa kamwaambila; elyo Abrahamu wakayaka cipaililo okuya, aku bikka nkuni mu ncililano, a kwaanga . . . mwana wakwe wini, a kumulazika aa cipaililo atala lya nkuni.

Elyo Abrahamu waka tandabika janza lyakwe, a kubweza ntibba kuti ajaye mwana wakwe.

Elyo angelo wa MWAMI wa mwiita kuzwa ku julu, a kuteeti, Abrahamu, Abrahamu: elyo wa kati, Mpaawa Mpendi.

Elyo wa kati, Ta bikki janza lyako aa musankwa, nanka akwalo ku bikka . . . ali nguwe: nkambo lino Nda ziba kuti ula mulemeka Leza, mukubona kuti

wakasya . . . tomu kasya mwana wako . . . alikke kuzwa kuli ndime.

Elyo Abrahamu waka tambya meso akwe, a kulanga, elyo mpaawo wakabona mugutu wambelele i kapatide meja mu i cisaka: elyo Abrahamu wakainka a kubweza mugutu wambelele, a kumutuula kuba cituuzyo caku tenta mu . . . mubusena bwa mwana wakwe.

Elyo Abrahamu wakaita zina i lya busena kuti Jehova jire: mbuli mbo baambwa kusika ku buzuba obuno, Mu cilundu ca Mwami uya ku bonwa.

¹¹ Atu kotamike mitwe yesu aniini buyo a kupa mupailo.

¹² Taata wesu Wakujulu, twa kaambilwa ku Ijwi eli, lili ngu Leza, kuti, "Lusyomo lulaboola ku kumvwa, a kumvwa Ijwi lya Leza." Elyo eno, Taata, twa lomba kuti Uyo nanika kuli ndiswe ciiyo ca kubala oku, kuti tu konzye kwiinda mbuli mbo kwa kaambwa kuli ndiswe kwiinda ku Bbaibbele, kuti, "Zyoonse zintu zyaindi mu Cizuminano Cakale zyakali mikozyaneyo eyo njo tweede kubona." Kuli baabo baswillila Iwiito lwa Leza, bala lelekwa. Abo baakaka, bala tukwa. Aboobo twa komba, Taata, kuti tu yooba a kumvwisy, sunumasiku, kwiinda ku ciyubunuzyo. Akube kuti Muuya Usalala utu yubunwida zintu zijatikizya ndiswe mu buzuba obuno, zyoonse zili sisidwe mu maseseke aya mapati aa Leza ayo akaliko kuzwa ku malengelo aa inyika. Nkambo twa cilomba mu Zina lya Jesu. Ameni.

Inga mwa kkala.

¹³ Ndi yanda kwaambaula aa ciiyo, na Mwami wayanda, kuzwa ku muzeezo wa: *Jehova-Jire*. I bbala lyaamba kuti "Leza uyo libambilwa Mwini cituuzyo."

¹⁴ Elyo tu kanana Abrahamu, alimwi eci cakali ku ciindi eco ncakali kulangila mwana waka syomezegwa. Kujana bwini ncobeni bwa ceeci, tula jokela. Elyo eci cakali mu cipati 22. Tu yanda kuswaya kusule; Ndi jisi Magwalo masyoonto aalembedwe awa, ayo Nge yanda kutondeka, ikuti na kulakonzeka. Elyo Ndi yanda kukanan ali ngawo, elyo Ndi yanda kutilika kuzwa ku cipati ca 12. Tula jokela kuyo ziba kuti oyu syakacite Abrahamu nguni, elyo lino mbobuti—mbobuti mbo caka boola kuti Leza waka musala.

¹⁵ Tu lizi kuti cisyomezyo caka pegwa kuli Abrahamu a Lunyungu lwakwe kuzwa nguwe, alimwi biyo kuba muli Abrahamu tuli baswaana a nguwe ku cisyomezyo. Lino Abrahamu wakali jisi lunyungu, a lunyungu, mubwini, wakali, wa kali jisi lunyungu lunji, inyungu, pele wa kajisi Lunyungu lomwe cisyomezyo nko caka pedwe. Wa kajisi Ishimaeli; elyo mpawo Sarah naka mana kufwa, wa kakwata mwanakazi umbi alimwi wakali jisi bana basankwa bali ciloba kunze lya bana basimbi; alimwi boonse ndunyungu lwa Abrahamu, pele i . . . i

inyungu zya Abrahamu, pele Lunyungu lwa kali kuli umwi waka jisi cisyomezyo. Elyo Lunyungu, mubwini, lwalo *ndusyomo* lwa Abrahamu, olo ndwa kajisi mu Ijwi lyaka syomezegwa.

¹⁶ Lino Abrahamu, tu jana kuti, tu...ta boneki kusikila twa mujana awa kutandila cipati ca 12. I cipati 11 ca Matalikilo, tu jana kuti bawisi bakaseluka kuzwa ku Babuloni. Elyo Abrahamu wakali muntu mbuli bonse, mbuli nduwe na Mebo, na kufumbwa muntu umbi. Elyo wa kali kuba, mubwini, eco nco tunga twa yeeya, mudaala. Wa kali amyaka ili makumi ali ciloba ayosanwe yakukomena. Wa kakwata mucizi wakwe kucibela. Zina lyakwe wakali Sarah. Elyo zina lyakwe kaindi, mubwini, takali Abrahamu, wakali Abramu. Alimwi—alimwi lyakwe wakali Sarai. Aboobo tu jana kuti waa kali myaka ili kkumi kuceya kuli nguwe, oyo waka mubamba makumi aali cisambomwe ayosanwe, elyo walo myaka ili makumi aali ciloba ayosanwe yakukomena.

¹⁷ Antela baka, wa kali mulimi, kapona mu kkuti lya Shinar okuya, a kupona buumi bwalyonse. Antela—antela wa kazwa mu ciindi casikati, a kujana nyama yakwe kuzwa mu sokwe, a kubwezelela mumbu, a kupona musyobo oyo wa buumi. Muntu buyo walyonse, kwakanyina cintu cisalesale kujatikizya nguwe. Pele buzuba bumwi, Leza waka mwiita. Eco nce cakabamba lwaandaano, cindi Leza naka bamba lwiito.

¹⁸ Elyo nje nzila mboibede ku buumi buli boonse. Citola Leza. Tacili ceeco nco cita; nceeco Leza nca cita. Mwabona? Yebo watii, “Nda kamuyandaula Leza. Nda kamuyandaula Leza.” Wa lubila. Taakwe muntu uyandaula Leza. Leza ngu yandaula muntu. Mwabona? Toli nduwe uyandaula Leza; ngu Leza ukuyandaula.

¹⁹ Jesu wakati, “Tee mwaka Ndi sala, pele Nda kamusala.” Mwabona? Aboobo mwa salwa kuzwa ku malengelo aa inyika, nape teemwa kasalwa pe. Wa kabbolela buyo kunununa zina eelyo. Elyo boonse abo bala mazina atako mu Bbuku eelyo lya Buumi ilya Mwanaambelele...kuzwa ku malengelo aa inyika, mbaabo luzutu bayooba kokuya, nekuba. Mwabona? Mwa kasalwa muli Nguwe kuzwa ku malengelo aa inyika. Cindi Mwanambelele nakasalwa, mpawo mwaka salwa a Nguwe, kuzwa ku malengelo.

²⁰ Elyo muli obo, mbuli mbo Nda kaamba masiku aindaa, bube bwa kuyeyya kwa Leza. Mwabona, eyo nje nzila biyo njo konzya kuba Uutamani, a ciimo biyo ca Buumi Butamani. Kuli buyo musyobo omwe wa Buumi Butamani, nkabela oyo ngu Leza. Aboobo, kwa mana, Ngo Nguwe Uutamani.

²¹ Lino tu jana kuti Abrahamu waka jisi busena obo. Elyo Leza, mu Cizuminano Cakale, wakabelesya zikozyanzo a zimvule, ku kutondezya eco Nca kali kuyo cita.

²² Lino tu jana kuti awa Leza wakanana kuli nguwe. Elyo cintu cipati, Leza naka mana ku mwiita...I kwiitwa oko

Leza kwakapa kwakali kwiitwa kwa cigambyociinda. Pele, nekubaboobo, tii cakazungaanya Abrahamu, taakwe ciindi. Wa kalizi lyoonse kuti wakali Leza. Eco ncintu cipati. Cindi . . .

²³ Kwiitwa kwa Leza ncigambyociinda; kwiina cintu cakunyama. Leza ulabweza cigambyociinda a ku cibelesya mubuntu, pele kwiitwa kwa Leza ncigambyociinda. I Bbaibbele lyakati, "Zipego a kwiitwa tazibooli ku kweempwa." Mwabona, zya kasalwakale a—a Leza.

²⁴ Lino tu jana kuti, muli ceeci, nkuti Abrahamu mukwiitwa, wa kamvwa jwi lya Leza, alimwi Wa kamwaambila cintucimwi eco cakali kutandila citakonzeki kumaninina. Walo mukuba myaka ili makumi ali ciloba ayosanwe yakukomena, mukaintu wakwe myaka ili makumi ali cisambomwe ayosanwe yakukomena, eyo yakali kuno mubamba kutandila myaka ili makumi obile kwiindilila yaku mweezi, a kupona anguwe kuzwida ciindi nakali musimbi. Teeba kajisi bana. Elyo, nekubaboobo, kamwaambila kuti bakali kuyooba a muvwanda, a kwiinda mu muvwanda oyu inyika yoonse, masi oonse, ayo lelekwa. Lino eco ncintu ceenzu.

²⁵ "Elyo Abrahamu," Bbaibbele lyakati muba Roma cipati 4, "taka zungaana aa cisymezyo ca Leza kwiinda mu kutasyoma, pele wakali muyumu, kalumbaizya Leza."

²⁶ Inga ndayeeya, nikwainda mweezi mutaanzi . . . Mubwini, Sarah, mbuli Mbwe amba, wakali indilide kuya kumweezi. I mweezi mutaanzi, Nda konzya kwezeezya Abrahamu wakati, "Sarah, mbobuti mbo limvwa, oyandwa?"

"Kwiina lwandaano."

²⁷ "Ee, alelekwe Leza tu yooba a muvwanda, nekuba. Tu yooba buyo a nguwe. Leza wakati twa kali kuyooba anguwe."

²⁸ Sarah, wakasuma tubbusu twa wuulu, akujana matebelu, a zintuzyonse; kali bambila, kalibambilu kuli nguwe, nkaambo waa kalizi kuti uyo mutambula. Leza wakaamba boobo. Mwabona?

²⁹ I mwaka mutaanzi wakainda. "Yebo ulimvwa lwaandano noluceya na, oyandwa?"

"Taakwe lwandaano noluceya."

³⁰ "Alumbwe Leza! Ayooba maleele mapati loko lino kwiinda mbo cakabede ciindi citaanzi. Mwabona, wakali mwaka niwakamana. Tuyo mutambula, nekuba." Nkaambonzi? Leza wakaamba boobo. Eco cila cibamba. Leza wakaamba boobo. Tu . . . Leza wakaamba boobo.

³¹ Myaka ili kkumi yakainda. "Uli mvwide buti lino, oyandwa?" Ngooyu uli amakumi ali ciloba ayosanwe, alimwi walo kali makumi ali lusele ayosanwe.

³² Lino sa inga mwayeeyela mudaala a mwanakazi mbuli oyo, sunu, kuunka kunselelo ku cibbadela, a kwaamba, “Dokotela, tu yanda kulibambila. Tu yo . . .”?

³³ Leza ula mulomba kusyoma zintu zimwi zya bufuba loko, pele lyoonse Ula ucibamba kululama. Leza . . . Ii muntu oyo usyoma Leza, micitu ini iisondokede, ku inyika.

³⁴ Sa inga mwayeeyela Musa, wakayiisigwa mu busongo boonse i—i bwa bana Egepita, mutwe wa mpi, i—i—i—i impi ya Egepita. Elyo, nekubaboo, myaka ili makumi one yaka mutola kukwiya ceeco, nkabela cakatolela Leza myaka ili makumi one kugusya lwiiyo olo kuzwa kuli nguwe, obo buyo mbo cakatola inyika kubikka muli nguwe. Myaka ili makumi one imbi, Wa kamugwisya kwiiya koonse, lwiiyo loonse, lwabukombi kuzwa kuli nguwe. Elyo Wa kamuswaana kumbo lya lukula, alimwi wa kalizi kunji kujatikizya Leza, mu maminiti osanwe mu Busyu bwa Leza, kwiinda mbwa kaiya mu myaka ili makumi one kuzwa mu mabbuku. Mbo mbubo.

³⁵ Leza tazibwi ku lwiiyo. Ula zibwa ku lusyomo. Elyo Leza wakakanana kuli nguwe mu cigambyociinda. Elyo ino ncintu cabufuba, ziindizimwi, Leza nca tubamba kucita.

³⁶ Sa inga mwayeeyela mudaala, myaka ili makumi ali lusele yakukomena, katija, musinsimi katija kuzwa kuli Leza? Elyo mu Busyu bwa Leza maminiti osanwe: cifumo citobela (Sa inga mwa muyeeyela?), muntu mudaala, malezu kalengelela mbuli obu; mutwe wakwe wa lubala kaubalama; a kasako kapilingene mu janza lyakwe; mukaintu wakwe kakkede acuuno akweenzya kambongolo, a mwana muniini aa kasolo kako; mu mugwagwa kunselelo!

“Uya kuli, Musa?”

“Ya kumusanza ku Egepita, kuyo tola bweendelezi.”

³⁷ Mwabona, “kuyo endelezya,” kusaala kwa muntu omwe. Eco cilimvwisya bufubafuba. Pele, cintu ca ncico cakali, wa kacicita, nkaambo Leza wa kaamba boobo. Eco cila cibamba.

³⁸ Cindi Leza aamba boobo, nku koonse kuliko kuli ncico. Nce—nce ncico. Ikuti na Leza waka panga cisymezyo, anzika buntu bwako ali ncico. Ikuti na ula konzya ku cisysoma, anzika bwako . . . Ikuti na to cisysomi, ko tantamuka kuzwa kuli ncico; ciyo kucisa. Pele ikuti na ula cisysoma, kokkala a ncico, ciyo kutola ku kuzunda, masimpe buyo mbuli inyika.

³⁹ Lino tu jana kuti, “Abrahamu taka zungaana aa cisymezyo ca Leza.” Elyo cindi nakali a myaka ili mwaanda yakukomena, alimwi walo waa kali makumi ali fuka, Nda konzya kumumvwa; takali kukonzya kwaambaula kabotu lino, uya bucumbaala loko a kukompeme, “Ee, Sarah, oyandwa, mbobuti mbo limvwa?”

“Ee, oyandwa, Nse limvwi lwandaano.”

⁴⁰ “Aleluya! Tu—tu yooba anguwe, nekuba. Leza wakaamba booboo, nku koonse kuliko kuli ncico. Leza wakapa cisyomezyo.” Wa kati wa kali “kulamwa cakumaninina kuti Leza wakali kukonzya kucita eco Nca kasyomezya.”

⁴¹ Elyo lino tula liita kuti Lunyungu lwa Abrahamu, Lunyungu lwakwe lwabwami (kutali lunyungu lwa Izaka), Lunyungu lwakwe lwabwami, Kristo; a kuzungaana ku cisyomezyo cili coonse, kukwankana a ncico a kwaamba kuti tacili booboo, a ku cizumbaunya mu mizeeza yesu? Nda tuzumbaunya kuti tulii Lunyungu lwa Abrahamu cindi twano jisi musyobo oyo wa tuyeeeyo muli ndiswe. Lunyungu lwa Abrahamu talu zungaani aa cintu. Lwa ita zintu zyatakaliko, mbuli kuti zyakaliko, nkaambo Leza wakaamba booboo. Ngu Cilenga. Ula konzya kucibamba booboo. Wa kacisyomezya, nkabela eco cila cibamba. Nkukoonse kuliko kuli ncico. Cindi Leza a caamba, eco cibamba cintu coonse. Lino, amuyeeye, wa kali kuciyanda... Tee kwa kakonzya... Wa kaambila...

⁴² Cintu cimbi Nca kamwaambila kucita, kuli pambula lino kuzwa ku mukowa wakwe a bantu bakwe boonse.

⁴³ Leza, kutegwa ajane mwaalumi na mwanakazi, mulombe na musimbi, ku Mu swililia, weelede kuli pambula kuzwa ku kutasyoma koonse, mbo mbubo, kusikila wali pambula kumaninina kuzwa ku cintu cili coonse ciimpene ku Ijwi eelyo, aku Li syoma. Nywebo... Leza wiitila kupambuka kumaninide.

⁴⁴ Ino ndwandaano luliko sunu mu zikolo zyesu zituma bakutausi. Ba banjizya buyo misyobo yoonse ya kutasyoma alwiyo lutali lwa Malembe ncobeni kwiinda musyobo umwi wa kansiyansiya ngo bapanga, elyo mpawo kubatuma ku mbaakani iili booboo. Ta cigambyi twa kakonkola nkamu ya Oswald ayaba Jack Ruby, a zimwi zimbi, kulanduka cisi. Kkomunizimu ili mukumena cisi, nkaambo tu jisi maseminari a bakambausi bakazwa mu zikumbilo mubusena bwa bana ba Leza bakatumwa aa Leza, bakazyalululwa, bazwide Muuya Uusalala, bakazyalwa ku Mulilo, bana ba Abrahamu abo basyoma Ijwi lya Leza kuba Bwini cakwaambisyu nkabela taakwe cimbi cita Bwini, bagalankene, a kukonzya kwiima awo aa zisyomezyo, mu busyu bwa cintu cili coonse, aku cilanganya do, kuti bwalo Bwini. Ndi Ijwi lya Leza. Yaa.

⁴⁵ Lino Wa kati, “Kolipambula lwako kuzwa ku mikowa yako yoonse, kuzwa ku bantu bako boonse, zintuzyonse, aku Ndi tobela.”

⁴⁶ Leza tana cinca nzila Yakwe. Leza ngu Leza utakwebucince. I nzila Leza mbwa cita cintu cili coonse, ciindi cimwi, We elede kucicita mu nzila njiyonya ciindi cabili. Amuyeeye, cindi mwakonzya kubona micito ya Leza mu ciindi cili coonse, ikuti na Wa... Ikuti—ikuti na muntu waka sweepka, alimwi Wa ka futula muntu aa mbaakani ya muzeezo umwi Ngwa kabamba, Walo

lyoonse weelede kukkanala a muzeezo nguwenya oyo. Ta konzyi ku ucinka. Mwabona? Walo mupatikampatila.

⁴⁷ Tula gola. Nda konzya kuziba kunji zya juunza mbuli Mbwe zyi zyasunu. Aboobo inga waziba kunji zya mwaka uboola kwinda mbo cita mwaka oyu. Ula zyiba kunji mu mwaka uno kwinda mbo kacita mwaka wainda, pele kutali Leza.

⁴⁸ Uli londokede, mupatikampatila. Zintuzyonse Nzya cita zili londokede. Ta konzyi kubamba muzeezo sunu a kubamba umwi muboto maningi juunza. Umwi wakwe mutaanzi uli londokede. Nkikaako, inga mwa anzika buntu bwanu aa cintu cili coonse Nca amba, bwalo Mbwini.

⁴⁹ Leza wakaitwa ku ciindi cimwi kubamba muzeezo, nzila ya kufutula muntu, alimwi nzila Mbwa kaicita yakali aa mbaakanzi ya Bulowa bwakatika ibwa Umwi uutakwe kampenda, mu muunda wa Edeni. Elyo muntu wakasola zintuzyonse mu inyika ku kufutula muntu, bwandene; ba kayaka madolopo, ba kayaka ngazi, ba kajisi tubunga, Iwiiyo, a zintuzyonse zimbi, ankabela cintu coonse nkukakilwa kumaninide. Kuli nzila yomwe luzutu eyo Leza nja kufutula muntu lyonse, eyo nkwiinda mu Bulowa bwakatika ibwa Uutakwe kampenda. Eyo nje nzila ilikke. Oyo wakali muzeezo wa Leza mutaanzi. Walo ucili anguwo lyoonse.

⁵⁰ Ikuti na Leza wakasola kuponya muntu aa mbaakanzi Nja kamponya, We elede kuponya umwi utobela cindi aboola ku busena obo. Ikuti na Ta kacita, Wa kalubizya cindi Na kacita ciindi citaanzi muzeezo niwa keelede ku bambwa.

⁵¹ Ikuti na Wa sola kubamba muzeezo, We elede kukkanala a nguwo lyonse. Ikuti na Ta citi, Wa kabamba muzeezo mubi mpawo. Mwabona? Elyo nguni ukonzya kwaamba kuti Leza wakabamba muzeezo mubi? Mwabona? Ta tukonzyi kwaamba boobo. Aboobo Leza lyonse ulaa muzeezo Wakwe. Aboobo cindi Au bamba, ngo nguwo.

⁵² Aboobo Wa kati, “Kolipambula lwako kuzwa ku mikowa yako yoonse, zintuzyonse, kutasyoma koonse kwaka seluka kuzwa ku Babuloni kutala okuya.”

⁵³ I kabunga kapati kataanzi mu inyika kakali ka Babuloni, cindi niya kabunganya miinzi yoonse kupa mitelo ku munzi oyu omwe, cikozanyo nciconya, zyonse ezi nkamu zyatulengwa a zintu zipya zibonwa sunu. Ikuti na mwasola kubala *Two Babylons* ya Hislop, aamwi ambi, aku jokela ku Matalikilo, muyo bona kuti Matalikilo alo nkutalika, makankilo, mula bona toonse otu tulengwa a zintu, kubikkwa kabotu moonya aomuya.

⁵⁴ Mwabona, ba Farisi basitulegwa beni baka selemukila kuzwa okuya, kuzwa ku mwanakazi oyo a miyanda eyo ingambya azimwi zimbi, wakasika ncobeni mu mazuba a Jesu. Ba Farisi tii bakali ku syoma mu Muuya na cintu cimbi, nkabela baka sinkila Jesu. Jesu wakati, “Amu baleke balikke. Ikuti na

moofu wasololela moofu, bobilo bayo wida mu dindi. Amu . . ." Wa kazumanana ncobeni kukambauka, a kuponya baciswa, a kucita maleele, a mbubonya buyo. Tii caka Mu lesya pe, nkaambo Wa kali Ijwi. I Ijwi lila zumanana ncobeni, kakutakwe kulanganya eco cicitika.

⁵⁵ Aboobo tula zijana zintu ezyo kazizumanana, elyo kumalekelo zya kasonsa okuno ku mazuba akumamanino. Mboli Jambresi a Janesi mboba kakazya Musa, mbubonya mbo ciya kuba cintu nciconya.

⁵⁶ Lino, kupambuka kumaninide kuzwa ku kutasyoma koonse. Elyo, amuyeeye, Abrahamu sikale taakwe nakalelekwa cakumaninina kusikila na kaswiilila nconzyo kucita eco Leza nca kaamba kucita. Elyo tatu, kabi, kabi aku lelekwa kumwi, a kuba a zilongezyo, kusikila tuka swiilile eco Leza nca kaamba kucitwa.

⁵⁷ Cintu cimbi Nce yanda kuti mubone awa mu chipati ca 12, kuti cipangano cakanyina zyeelelo antomwe. Kwakanyina ziyanidika zya kabikkidwe kuli ncico. "Nda cita," kutali "ikuti wa." Kwa kanyina ikuti kuli ncico. "Nda kacicita kale." Wa kapa Abrahamu cipangano, cakubula zyeelelo.

⁵⁸ Elyo lino mulizi, mu cipangano ca Adamu, ca kali, "Ikuti na togumi samu eli, mpawo Njo cita *boobu-a-boobu*. Pele ikuti na wacita, mpawo Nde elede kucita *boobu-a-boobu*." Mwabona, eco caka jisi mulao wakabikkidwe kuli ncico.

⁵⁹ Pele mu cipangano eci, "Nda kubamba kale kuba wisi wa masi manji." Elyo Wa kale- . . . Coonse tacikwe zyeelelo. I cipangano nduzyalo biyo, luzyalo buyo cakumaninina. Cintu buyo neo bakacita kubamba cipangano eci nku kkala a kukkanilila mu cisi; a cilongezyo conse, kainka a cipangano, cakali ambabo. Cintu biyo ncoba keelede kucita nku kkala mu cisi eco. Lino tu jana kuti, cindi niba kaselemukila mu Egepita, baka sweekelwa cilongezyo cabو, pele kutali cipangano cabو. I cipangano caka ciliko. Ba kasweekelwa cilongezyo, pele kutali cipangano cabو, nkaambo cipangano cabو cakali ca luzyalo, cakubula zyeelelo.

⁶⁰ Elyo mu—mu Kulonga, cipati 19, Kulo- . . . Israyeli yaka panga cimwi ca zintu zyayo zya kugubila maningi eco nco yakasola kucita, cakali cindi niya kakaka luzyalo a kutambula mulao. Amulange eco luzyalo nco lwakacita. Luzyalo lwaka babambilila sikuunununa, lwaka babambilila musinsimi, a Musumpululu wa Mulilo wa kusimpikizya nguwe a Ijwi lyaka tondezegwa, wakali mwanaambelele wa cituuzyo. Luzyalo lwaka bapede lubukulusyo lupati. Luzyalo lwaka bazwidilizya, kajula Lwizi Lusalala, lwaka baleta kutala oko. Kabavuna a zitondezeyo a zigambyo, koonse ku luzyalo. Pele bakali kuyanda cintucimwi kutegwa kaba konzya kulibamba mazina amwi mapati.

⁶¹ Lino, ikuti na tabali bantu obo asunu, ncintu nciconya buyo. Beelede kuba, muntu weelede kuli njizya mwini muli ncico amwi. Elyo mpaawo Israyeli mpaya kabambilila bulubizi bwayo upati, cindi niya kakaka luzyalo a kubweza mulao, mucibaka. Elyo i...Nekubaboo, pele cipangano eco Nca kapangana ambabo cakanyina zyeelelo. Cicili cintu nciconya sunu, tula cijana.

⁶² Abrahamu, mpawo, nakamana kuba a zyeelelo ezi zyaka pegwa kuli nguwe, wa katalika lweendo lwakwe, kayabuya. Lino tu jana kuti wa kazwa.

⁶³ Elyo mu capita 13, kumalekelo wa kaboola ku kasena ka kuswiilila kuzwide kuli Leza. Lino tula jana, mu cipati 13, kuti Lota...Lutaanzi, wa kabweza bawisi, alimwi mudaala lyoonse wakali sibuuya mu nzila. Alimwi wa kasola kubweza cikama kuyabuya anguwe. Elyo cindi wacita ceeco, mpaawo mpo cijana. Leza wakati, "Kopambuka."

⁶⁴ "Ee, Nda kwaambila, taba syomi mbubonya, pele..." Mpawo kozwa kuli ncico. Eco nce cintu cilikke, ko citantamuka buyo.

⁶⁵ Elyo mpawo mudaala, walo kumalekelo, niba kamana kumuzikka, mpawo, Lota wakaba ii—ii penzi kuli nguwe, mbuli ku kwaamba. Tu jana kuti wa katalika kung'ung'unna. Elyo boonse bobile baka vuba, alimwi baka jisi kunji antoomwe. Elyo tu jana kuti mpawo Lota wakalika kuzwangana, beembezi bakwe bamatanga kuzwanganya beembezi bamatanga iba Abrahamu.

⁶⁶ Elyo tu jana kuti Ta kajisi, Leza taka jana busyomesi mu...-ahamu, Abrahamu, ku kuswiilila eco Nca kamwaambila kucita, ku lyandaanya kumaninina kuzwa ku mikowa yakwe yoonse, kuzwa ku bantu bakwe boonse, a ku Mu belekela.

⁶⁷ Aboobo tu jana kuti, Leza kakanana kuli Abrahamu awa, aa cipaililo, alimwi waka mwaambila eco cakucita. Kumalekelo, Lota, cindi mubuzyo niwakasika akati ka Abrahamu a Lota; wakali mwana wa munyina Harani, elyo ba...Wa kali mujwa wakwe. Elyo kumalekelo wakati, "Atu...Tuli babunyina eno. Ta tukabi aakuzwangana kumwi akati kesu. Lino nywebo, ikuti na wainka kujwe, Ndiyo inka kumbo. Elyo ikuti na wainka kumbo, Ndiyo inka kujwe. Lino atwandaane buyo tobeni, nkabela ta tuka...Kuli busena bunji awa bwa ndiswe toonse. Elyo kounka buyo, ko bamba kusala." Lino oyo wakali muuya wini wa Bunakristo muli Abrahamu, wakapa akwalo sinkondo coolwe ca kusala. Elyo aboobo wa kamulekela kutola nzila yakwe.

⁶⁸ Elyo Lota, mbuli banji loko sunu, kabona coolwe. Ikuti na wakasola kuzwa ku kusinizya oko, baa, inga nakalipangila madollar masyoonto, nakaba muntu simpuwo. Aboobo wa

kalanga ansi kutozya ku Sodoma. Elyo yakali insi yakanilaidwe kabotu, a munzi mupati, a fakitorii mbotu ya munyo, azimwi zimbi. Ba, ba kali kusambala kuzwa awo. Elyo—elyo mpawo, alubo, ya kazwide ziindi zibotu, banakazi amisila yabo iya Jezebele a zintuzyonse, ciindi buyo cibotu. Mukaintu wakwe waka baanga walimvwa boobo aniini, awalo, nkaambo, tu jana kuti, na kamana kuba meya kumusanza okuya cakuti waa kabaanga—waa kabaanga wayanda nzila ya bantu. Elyo nce cintu cilikke ncoelede kucita, nku sangana acintucimwi. Mwabona?

⁶⁹ Leza uyanda kuti uli pambula omwini, a—a kusakana kuzwa ku zintu ezyo kusikila akwalo tociziboni limbi. Kuti, uyanda kubona cintu comwe, oyo Nguwe a ceeco Nca kasyomezya.

⁷⁰ Pele Muka. Lota, waa kabaanga waa kuyanda. Elyo, kwiina kuzumbauzya, waa kabaanga wati, “Oyandwa, lino Nda kali kumusanza buyo, elyo ula langa nzila banakazi mbo basama kumusanza okuya, a kulanga basimbi abo. Amulange obo basimbi besu mbo basama. Aboobo sena toyeyea kuti mbasyaasunu maningi?” Oh, ma! Ikuti na tii twaka kajoka nkoonya ku Sodoma imbi, Ta ndizi kaambo. Mpawo nco twa jana.

⁷¹ Pele Abrahamu waka kkala a cisyomezyo. Mpawo tu jana kuti, mbuli mbo cizumanana, alimwi i...mbuli mboba kaandana lwabo, a Lota. Elyo Abrahamu wakasala masena atakwe munzuka, nzila niini, waka kkala okuya kwakanyina macelelo mabotu mapati ang’ombe zyakwe. Elyo, pele, wa kali libambilide kutola nzila, nkaambo Leza waka mubikka mu cisi eco, alimwi awo mpe mpawo mpakali kuyanda kukkala. Kulibambilila kwiibweza.

⁷² Lino cindi kumalekelo na, kaswiilila Leza cakumaninina, cindi kumalekelo na kaswiilila Leza ku buzule kwabo, kulipambula mwini cakumaninina, akali mpawo Mwami wakalibonya kuli nguwe alubo. Kusikila wa kacita ceeco, Mwami waka tantamuka kuzwa kuli Abrahamu. Pele cindi naka swiilila cabuzule, mpawo Lota... Leza wakalibonya kuli nguwe, Wa kati “Abrahamu, tambya meso ako. Langa kujwe, langa kumbo, langa kunyiika, langa kumusanza, yoonse izulilwa kuli nduwe.” Ameni. Lino, Nda ciyanda eco.

⁷³ Elyo, nywebo mulizi, eco ncintucimwi mbuli mbo cakabede cindi Ne kafutulwa. Nda kamvwa lyoonse kujatikizya Leza kuba Leza mupati. Elyo, nywebo mulizi, cindi Ne kafutulwa, Ndi... Muntuumwi wakati, “Lino koonse nkoelede kucita nkusangana mbungano, a kubikka zina lyako mu kuzulwa kwa mbungano eyi ya Baptisti. Nku koonse nkoelede kucita.”

⁷⁴ Pele, nywebo mulizi, buzuba bumwi Nda kabona kuti Nda kali sikukona ku cintucimwi, kuti Nda—Nda—Nda kali kuyanda kulanga kwiinda muli ncico a kubona eco Nce kajisi.

Nywebo mulizi, Ndili boobo buyo. Mbuli ii—ii cintoolo cipati, uli civubide, a—a zintuzyonse omuya zizulilwa kuli ndinyewe.

⁷⁵ To—to zyi eco nco konede kusikila walanga kwinda mu Bbaibbele, akuziba zisyomezyo. Ameni. Bayo kutantamuna kuzwa kuli nzizyo ikuti na bala konzya; pele nzi zyako. Cisyomezyo coonse cili kuli Abrahamu a ku Lunyungu lwakwe kuzwa nguwe. Ameni. Cisyomezyo coonse ca Buleza mu Ijwi cizulilwa kuli Abrahamu a Lunyungu lwakwe, alimwi uli sikukona kuli ncico. Ii sikukona! Oh, ma! Ndi yanda kulanga moonse kubona eco Nee jisi. Ikuti na muntuumwi wandipa cintucimwi, Ndi yanda ku cilangalanga. Elyo Ndila yanda kulanga mu Bbaibbele a kubona eco cizulilwa kuli ndime. Lunyungu loonse lwa Abrahamu lweelede kucita ceeco, cindi wazyalululwa, kuzuzigwa a Muuya wa Leza, a Muuya Uusalala ali nduwe, uli swaana kuli cimwi acimwi ca zisyomezyo ezyo.

⁷⁶ Nywebo mulizi, cili mbuli Mbwe amba, cintoolo cipati, nkambo tula bapatizingwa mu cintoolo eco. Ku Muuya omwe toonse twa kabbizigwa mu Mubili omwe, alimwi oyo Mubili ngu Kristo, uuli Ndunyungu lwa Bwami ilwa Abrahamu, a baswaana ku zintuzyonse zili muli ncico. Ameni. Zintuzyonse zyakali muli Leza, Leza waka tila muli Kristo; zintuzyonse zyakali muli Kristo, Wa kazitila mu musyomi. Ameni. Leza atala yesu, Leza andiswe, a Leza muli ndiswe! Zintuzyonse, zisyomezyo zyoonse mu Bbuku, nzi zyako ikuti na ula konzya ku cisysoma, ikuti na ujisi lusyomo lukubwene lwa ku cizumina a ku cisysoma.

⁷⁷ Nywebo mulizi, Nda langa koonse, ikuti na Nda jana cintucimwi eco cila atala loko aniini, ndalibuzya eco cili muli eco, Njo lijanina manela a ku citonta koonse, a kuzumanana kutanta mane Nka sike kuli ncico. Eyo nje nzila, cisysomezyo mu Bbaibbele, ikuti na cimwi ciboneka mbuli kuti musyobo wa maseseke kuli ndime, Ndi zumanana buyo kupaila mane Nka cisike. Kwa mana. Eyo nje nzila yakucicita. Zumanana kupaila, kuzumanana kujatilila, kutanta, kosyoma, kusikila uli... Uli sikukona kuli ncico, uli jisi cisysomezyo kuli ncico, alimwi uli jisi nguzu kuli ncico, alimwi, "Amulombe nkabela muyo tambula, nkambo zintu zyoonse zilakonzeka kuli baabo basyoma."

⁷⁸ Lino tu jana kuti Abrahamu wakeenda kwiinda mu cisi. Leza waka mwaambila, kuti, "Koenda kwiinda mu cisi, ko ilangalanga. Zintuzyonse omu zizulilwa kuli nduwe. Kabeela koonse ka njiyo nkikako. Yoonse izulilwa kuli nduwe."

⁷⁹ Lino tu jana kuti mpawo, kuti, kuti mu cipati 14 ca Kulonga lino na... cipati 14 ca Matalikilo, mundi jatile. Mu cipati ca 14 ica Matalikilo, Abrahamu a Lota bakandaana, alimwi Lota kumalekelo waka njila mu penzi limwi. Elyo lyoonse uyo cita, cindi wali pambula kuzwa ku basyomi, uyo njila mu penzi. Tu jana kuti bami bakali bunganya akucita lumamba. Elyo baka boola kunselelo a kutola Sodoma, baka tola Gomora, baka

tola bamami babo boonse kunseleo a makkuti, a zintuzyonse, a kutola Lota. Elyo bantu buyo basyoonto baka lobokela mu malundu.

⁸⁰ Elyo cindi niba kacita, umwi oyo waka loboka wkasika a kwaambila Abrahamu mu Hebrayo, kaamba, cuti, "I Sodoma yakawa, a Gomora, alimwi baka tola bamami babo, alimwi—alimwi azimwi zimbi, akutola boonse bantu, a zyakulya zyabo azintuzyonse nzo kajisi. Elyo baka tola Lota a mukaintu wakwe, a bana bakwe basimbi, boonse banakazi, alimwi baka unka a ncico."

⁸¹ Lino, Abrahamu, langilila oyu muuya wa Bunakristo kautobezya munyina wakwe. Akwalo obo, nekuba, Lota wakawide, waka jokela, nekubabooobo Abrahamu waka muyanda. Wa kazumanana kumutobezya.

⁸² Mbubonya mbuli Jesu, mu Bukkalo bwa Mbungano ya Laodikeya. Nekubabooobo, baka Mu bikka aanze lya mbungano yabo. Elyo Wa kali aanze, kakonkomona, kusola kujokela mukati. [Mukwesu Branham wakonkomona aa cikambaukilo—Mul.] Ikuti na Wa konzya buyo kujana muntuumwi kujula mulyango kutegwa Ka konzya kunjila!

⁸³ Ngooyo muuya wa Abrahamu, mwabona, kautobela munyina, wakawa uubaukide. Elyo wa kamutobela, alimwi wa katola bazike bakwe balombe bali myaanda akuba samika zilwanyo. Elyo wa kamuswaana kunselelo kuli Dani; ayo mamanino aa Palestine awo. Elyo wa kamuswaana okuya, a kulipambula mwini masiku, a kutobezya a kulwana impi kumusanza, a kukoma bamami, a kubajaya, a kujosya zyoonse zyaka toledwe.

⁸⁴ Amubone, cindi naka joka, ino ncifwanikiso cibotu awa. Ako nke kaambo Nce yandila musyobo oyu wa kusondela eci cicizi aniiyi, aboobo tu jana i... Nke tana kusika ku cibalo cangu ca *Jehova-Jire*. Ikuti na mwalangizya Abrahamu kajosya zyoonse zyaka sweekede, munyina uutakwe bunyone a bana bakwe, mbuli mbwa kabajosya, bami bakazwa kuyo muswaana.

⁸⁵ Elyo Melikisedeki wakayutuka, "Oyo wakali Mwaami wa Salemu, Mwaami wa luumuno, Mwaami wa bululami, i Mwaami wa Jerusalemu; uutakwe wisi, uutakwe banyina, uutakwe matalikilo aa mazuba, utakwe magolelo aa buumi." Melikisedeki waka muswaana aa kaja-... kazwa ku kujaya mwaami, kuli Oyo sikale Abrahamu (Bahebrayo 7) waka swaana oyu Muntu a kupa kwakkumi, cimanyakumi. Ino wa keelede kuba Muntu mupati oyu! Ino tuyeyea cuti nguni? "Ta kajisi wisi. Ta kajisi banyina. Ta kajisi matalikilo." Elyo na Wa Kalini, Walo ucipona. "Ta kagola. I Mwaami wa Salemu, Mwaami wa luumuno!" Oh, Nguni oyu Muntu mupati?

⁸⁶ Elyo amubone cikozyanco nco tu jana awa. Nkondo yamana, yamana i—i musyomi wini akumana kulwana sinkondo,

akumwaya mikondo akusola kujata munyina, Lunyungu lwini lwa Abrahamu kalu josya munyina oyo uutakwe bunyone, Melikisedeki wakayutuka a kukutauka waini a cinkwa, mulalilo, kaupa mulalilo nkondo niya kamana, kukutauka mulalilo kuli nguwe nkondo niya kamana.

⁸⁷ Ii cikozyanyo cibotu loko cindi nkondo yaakumana, ano aa nyika, inzundo zya kawinwa. Jesu wakati, “Bayo ulya capya mu Bwami bwa Taata,” basikuleya ba kujosegwa. Mpawo cintu citaanzi neco tucita cindi twa njila, nkondo yamana, nkukkala ku tafulle mu Bwami bwa Leza. Elyo kuli baabo bakalwana, a kukkala a kukoma, bayo samikwa bululami bwa Kristo, elyo mpawo alubo kulya cinkwa a waini, mu Bwami bwa Taata ku lubazu lumbi. Ino ncifwanikiso cini eci mbo cibede, ca Abrahamu kazwa a kuyo jana Lota a ku mujosya.

⁸⁸ Lino tu jana kuti mpawo, kuti mu chipati ca 15, tu jana cintucimwi cibotu loko awa. Ndi—Ndi baanga ndacibotelwa eci, kabotu loko, mukubona oyo Abrahamu mbwakabede eno, a Abrahamu a Lunyungu lwakwe lwa kuzwa nguwe. Tula jana awa, kuti Abrahamu nakamana kucita zintu ezi zyoonse zipati; kusyoma Leza, kajisi ku cisyomezyo, kalyandaanya mwini, alimwi kuzwa matalikilo katobela nzila ya—ya kuzwidilizya milao ya Mwami; tu jana kuti Leza wakalibonya kuli nguwe aa cipaililo. Elyo Abrahamu waka Mu buzya mubuzyo, wa kati, “Lino, nguni swaana wangu pele—pele oyu Elieza waku Damasiko? Elyo lino Wa kandi syomezya Lunyungu. Elyo Ndi—Ndi yanda kuti Yebo ucite cintucimwi; Ndi yanda kuti Utondezye cisyomezyo eci kuli ndime.”

⁸⁹ Elyo Leza wakati Wa kali kuyo citondezya kuli Abrahamu, kusimpikizya cipangano eco Nca kabamba akati ka Nguwe a Abrahamu. Lino Uyo mupa citondezyo kuti ciyooba bwini. Kuteeti, nekubakuti uli cembeede, utandila makumi ali lusele ayosanwe lino, pele nekubaboo Uyo tondezya kuli nguwe, ku citondezyo, kuti Uyo bamba cipangano eco.

⁹⁰ Oh, Ndili kkomene kapati kuti Leza lyoonse ula tupa zitondezyo, nkaambo Walo... Twe elede kuziba, sunu, kuti oora ndyo tupona lino, kweelede kuba citondezyo mu nyika ku ciindi eci. Twe elede kulangila citondezyo eco. Leza taciti cintu cili coonse kakutakwe kusaanguna kupa bantu citondezyo a kucenjezya. Elyo citondezyo cini cila tobelwa a jwi, alimwi jwi lyoonse ndi jwi lya Malembe.

⁹¹ Lino Uyo tondezya cipangano kuli Abrahamu, na Abramu, nekuba. Alimwi Wa kati, “Bweze impwizi niini.” Lino, amuyeeye, ngooyo munamani mupwizi. “Elyo kobweza mpongo mwizi ya myaka yotatwe yakukomena. Aimwi yeelede kuba amyaka yotatwe yakukomena.” Amubone, mpwizi ya myaka yotatwe, yanakazi; mpongo ya mwaka omwe, yanakazi. “A mugutu wambelele,” mweenenze. Aimwi yotatwe, myaka yotatwe

yakukomena, elyo kuli zyotatwe yayo. Zyotatwe; zyalo, zyobilo nja, a mweenze. Mwabona? Mwanambelele wacituuzyo, uusalala wamyaka yotatwe...ii mpwizi, mpongo ya myaka yotatwe, alimwi mpawo mugutu wambelele.

⁹² Ikuti na mwalangisya, zintuzyonse omuya ziyaka mu citondezyo. Elyo lino Nse elede kukambauka njiisyo kuzwa aa cibumbili awa, alimwi Ndili masimpe kuti eco cili munsi loko nco mukonzya kubona. Amubone. Elyo kabweza bobilo, bayuni bobilo. "Yomwe nkwilimba a imwi nziba yomwe," ili mukwasyi omwe, nkwilimba a nziba.

⁹³ Lino wa katenda mpongo... mbelele mu bubili. Wa katenda i—i mugutu wa mbelele a mpongo, a zimwi. Wa kazyaabaula, waka zitanda mu bubili, aku zibikka ansi. Pele nziba, wa... alimwi nkwilimba, ta kazyaabaula pe. Eco cakali, mubwini, uli oonse uuzi Lugwalo, ulizi kuti oko nkuponesegwa kwa Buleza. Mwabona, kuli mu zipangano zyobilo. Elyo aboobo tu jana kuti, wa kazibikka mukati. Kuponesegwa lyoonse nkwiinda ku lusyomo mu Bulowa bwakatika, lyoonse. Elyo cipangano cakale caka jisi kuponesegwa kwa Buleza, nkunji buti Cipangano Cipy'a nco kujisi? Mwabona? Ikuti na cipangano cakale caka kuleta, ino kujatikizya cimwi Cipy'a, kakuli, "Ncipangano cibotu kapati, caamba zintu zibotu, zisumpukide maningi, zintu zibotu maningi"? I Cizuminano Cipy'a!

⁹⁴ Lino tula jana muli ceeci, kuti Abrahamu, cindi na kacita ceeci, mpawo amubone eco cakacitika. Lino nkaaka kaambo keni, kapati. Nse yandi kuti mu—mu—mu ka impye. I kusimpikizya kwa cipangano, mu majwi amwi, calo ncisyomezyo, kuti, "Ndila syomeka kuli ceeco Nce cita na eco Nce wamba kuti Njo cita," Leza kaci simpikizya kuli Abrahamu.

⁹⁵ Elyo wa kabweza zituuzyo ezyo a ku zijaya, a kuzibikka magolelo ku magolelo, antoomwe, mbuli mbwa kazibikka ansi; a kulonda kutanda bayuni kuzwa kuli nzizyo, kutegwa bayuni kaba taseluka anyama ntete, kusikila zuba lyakali kubbila, ku mangolezya. Elyo cindi zuba nilya kabbila, na lyakali kubbila, awa Wa katondezya Abrahamu eco Nca kali kuyo cita mu ciindi ciza, eco cakali kuyo citika.

⁹⁶ Amubone, Wa kaambilia Abrahamu: Cintu citaanzi nca kabona kwakali kuyoosya kupati kwa mudima kwaka musikila. Lutaanzi, ngo'onzi zinji kapati zya kamuvumpa. Lino, ezyo ng'onzi zyakaiminina lufu ku bantunsi boonse. Muntu aumwi weeledе kufwa; lufu ku bantunsi boonse. Ezyo ng'onzi zyaka muwida; elyo kakutanaba ceeco kwa kaunka ii—ii—ii kuyoosya kapati kwa kusiya; elyo mpawo kwa kaunka bbila lya mulilo; elyo mpawo Mumuni muniini uupya wa keenda akati ka cipangano, wa keenda akati ka zituuzyo, waka zyaabaula. Lino ino eco caamba nzi? Ca amba kuti muntunsi aumwi weeledе kufwa; alimwi ncobeni, kwakumana obo, weeleta

kuunka ku gehena; mbo mbubo, mu mudima, mudima waanze, kwandaanisigwa kuzwa kuli Leza; pele Mumuni wakasika mukati, a kunjila akati, kapambula zituuzyo ezyo. Ikuti na mwamvwisia, tu . . . Eco cipangano!

⁹⁷ Mbuli ndiswe tobana America, mbobuti mbo tubamba cipangano? Ee, cintu citaanzi nco tucita, tu laamba, tuyu bamba musyobo umwi wa makwebo akubelekela na cintucimwi, kanji tula unka kuyoolya; aku kkala, kwaambaula asyoonto, elyo mpawo kupa mizeezo iyeeyelwa; elyo mpawo kusukana maanza kuli umwi aumwi. Tu laamba, “Kosukana ali ncico!” Eco ncipangano cesu. Eco ncisyomezyo cesu.

⁹⁸ Lino, mu Japan, mulizi nzila na mboba panga cipangano mu Japan? Abalo bali jisi cintucimwi cakulya; mpawo bala bweza nsazi niini ya munyo, nkabela bala waalana munyo kuli umwi amwi. Oko nkusimpikiziga kwa cipangano.

⁹⁹ Tu sukana maanza, kwaamba, “Ca namatikwa, omuntu mudaala. Nda cisyoma. Ndiyo kkala a nduwe. Calo ncisyomezyo.”

¹⁰⁰ Mu Japan, Japan, bawaalana munyo ali umwi aumwi. “Ca namatikidwe, mweenzuma wamunsi. Ayo mamanino a ncico.” Ayo mamanino a nzwango zyoonse mpawo. Ba, ba kapanga cizuminano, ka cisimpikizya, ku kuwaalana munyo ali umwi aumwi.

¹⁰¹ Pele mu mazuba akaindi . . . (Sa inga Nda bweza limwi lyaaya?) [Mukwesu Branham wabweza kabeela ka pepa—Mul.] Mu mazuba akaindi, njeeyi nzila mboba kapanga cipangano. Twa kapanga kuzuminana, alimwi twa kabweza cizuminano a kucilemba mbuli *boobo*. Elyo mpawo twa kajaya munyama, cituuzyo; ku caabaula, kacibikka mbuli mbo cakabede mu ciindi ca Abrahamu okuya. Elyo mpawo twa kaima akati ka cipangano eci, yebo a Ndime, elyo twa kapanga cikonke kuli Leza. “Ikuti na twa kakilwa kubamba cipangano eci, inga tweeela kufwa mbuli cituuzyo eco cakafwa mu busena bwesu. Lekela bulowa obo bwa cituuzyo butu pede bwiinguzi. Akube kuti tufwe lufu ndulonya, ikuti na twa kakilwa kubamba cipangano.”

¹⁰² Mpawo coonse calembwa, na kulembwa aa kabeela ka cilembelo mbuli *boobo*. Mpawo cazapaulwa mu bubili, mbuli *boobo*. [Mukwesu Branham wazapula kabeela kapepa mu bubili—Mul.] Lino bweza cisela comwe, elyo Nda bweza cisela. Elyo eno, nywebo mwabona, tokonzyi kukkopolola ceeco pe, kapati cindi calembwa acikutu cambelele. Mwabona, inga tocikkopolola nokuceya. *Eci* ceelede kunjilana kabotu a *ceeco*, ku cibamba *boobo*. Elyo mpawo cindi twa boola antoomwe, Ndi bweza cibeela comwe, uli mukubweza cibeela cimbi. Elyo mpawo cindi twa boola antoomwe, nkabela cipangano eci ceelede kupangwa, nkabela zikonke zyesu zyelede kuzulizingwa, mpawo kabeela kangu ka pepa keelede kunjilana kabotu

ncobeni a kabeela kako ka pepa, elyo aboobo ndo nduwe umwi uli antomwe a ndime mu cipangano.

¹⁰³ Eco Leza ncakali kutondezya okuya kuti Wa kali kucita, kuti Leza Mwini wakali kuboola ansi kuzooba mu mibili wabuntu, alimwi Wa kali kuyooba mu cipangano. Elyo Leza waka bweza Kristo, Muuya; Leza Jehova waka bweza Kristo, aa ciingano, nkabela Wa ka Mu zapaula mu bubili. Wa kakwamuna buntu Bwakwe a ku bubikka Kujulu, a kubweza mibili a kuubikka mu cuumbwe. Elyo wakasumpula mibili, cifumo ca bubuke; a kujosya Muuya oyo wakali aali Nguwe, kuba aa Mbungano. Kut, kusimpikizigwa nkukonya mu mazuba aya aakumamanino, “Jesu Kristo mbobuca nguwenya, sunu, amuya myaaka,” awo cipangano eco nciconya mpo cakeelede kuba mu bantu.

¹⁰⁴ Mbobuti mbo moyo Ci jana kwiinda mu lwiiyo? Mbobuti mbo moyo Ci jana munzila iili yoonse kunze lya kusimpikizigwa kwa Jesu Kristo, wakabuka oyo waka busigwa kuzwa ku bafu a kukkala mu Bupati Kujulu, sunumasiku? A Muuya nguwenya wakali aali Nguwe, uli aa Lunyungu lwabwami lwa Abrahamu, mu mazuba aakumamanino, kusimpikizya a kutondezya kuti Ngu mbobuca nguwenya, sunu, amuya myaaka. Amen. Ci mubamba kulimvwa cabukombi, embo na? Nceeco we, mu cipangano cini, “Kolemba cipangano Cangu aa myoyo yabo.” Jesu wakati, “I zintu Nze cita moyo zicita anywebo.”

¹⁰⁵ Mbuli mbo tuboola kutala okuno ku Sodoma, mu maminiti masyoonto, amulange mbo cibede, nzila mbo cicitika okuya, mbubonya obo cisyomezyo mbo cibede ku buzuba bwamamanino a ceeco Ncayo cita.

¹⁰⁶ Wa kali kucisimpikizya, kutondezya kuti Wa... Wa zapaula mibili wa Jesu mu bubili, kabweza Muuya, waka sumpula mibili ku janza lyalulyo lya cuuno cabwami ica Leza; a kutuma ansi cibeeela cimbi, cibeeela Nca kazapula, Muuya aali ndiswe, oyo uutegwa Muuya Uusalala. Elyo mbubonya Buumi bwakali muli Kristo buli muli ndinywe, obo butondezya kuti Walo Munununi wanu. Wa kamusalila kuli Leza, elyo lino tuli bana balombe abasimbi iba Leza, a Muuya wa Kristo. Ameni.

¹⁰⁷ “Milimo eyo Nje cita moyo icita anywebo. Mipati maningi kwiinda eyi moyo icita, nkambo Nda unka kuli Taata Wangu.” Ameni.

¹⁰⁸ I Muuya oyo wakali muli Nguwe uli aali ndinywe, Buumi Butamani. Ngu sikupa wa Buumi Butamani. Walo Munununi, ku josya eco cakawa mu kuwa, mu mukowa wa bantansi, ku josya kuli Leza. Elyo Muuya wakali muli Kristo uli muli ndinywe. Elyo ikuti na muuya wa ii—wa Dillon wakali muli ndime, Ne jisi ntobolo. Ikuti na muuya wa sikudulowing'a wakali muli ndime, inga Nda penta zifoto. Ikuti na Muuya wa Kristo uli muli ndinywe, milimo ya Kristo moyo icita. Ameni. Mbo mbubo. I Buumi bwakali muli Nguwe buli muli ndinywe.

¹⁰⁹ Kulonzya buumi kuzwa ku cintu cili coonse kuya ku cintu cimbi. Ikuti na inga wabweza buumi bwa i—bwa cipusi aku bubikka mu musaansa wa banamunywa, inga cazyala mapusi, mbubonya. Wa gusya buumi kuzwa ku samu lya pichi, a kububikka mu samu lya piiya, liyo zyala mapichi, nkaambo buumi buli mu samu bupa bumboni bwa mbubo.

¹¹⁰ Elyo mboobo Lunyungu lwabwami; kwiinda muli Izaka kwakasika lunyungu lwa kunyama, olo lwaka Lu kaka. Mu ciingano, kuzwa kuli Efraimu kusika kuli Manase, caka lonzegwa, cilongezyo kuzwa ku janza lyalulyo kuya ku janza lya lumwensi; na janza lya lumwensi lyakali kuzulilwa ku lumwesi, mukubusyi maningi kuba mupati wiinda; kwiinda omuya wakasandula bube boonse kuzwa ku lunyungu lwa kunyama ilwa Izaka, olo lwakakaka Kristo, a mbungano ya kunyama sunu eyo ici Mu kaka.

¹¹¹ Pele Lunyungu lwa Bwami, lwa kumuuya lwa Leza olo lusyoma, Lunyungu lwa Bwami ilwa Abrahamu olo lusyoma Ijwi lya Leza lyoonse, kuli kusimpikizigwa kwa Jesu Kristo, muumi wakabuka muli mbabo. Ameni. Ameni. Oh, ma! Mwabona, cintu nciconya mbo cakabede, Mbungano yoonse yeelede kuba ya mukowa.

¹¹² Cindi nicaka tondezegwa mu lunyungu lwa kunyama, amulange, Izaka a Rabeka bakali beeninyina bataanz, mukowa wa bulowa, bamawisi bomwe; mwabona, bamawisi bakali babunyina, baka bamba beeninyina kubulowa, nabwiinga a sibwiinga.

¹¹³ Elyo muli Adamu a Eva, boonse bakali Adamu, ku katalika. Leza waka bweza kabambo kuzwa ku lubazu lwakwe a kupanga mwanakazi, elyo Wa kabweza muuya wa bwanakazi kuzwa kuli Adamu a kuubikka mu mwanakazi.

¹¹⁴ Aboobo cindi mwanakazi kalilemeka ca bwaalumi, kuli bamwi...kuli lupilingano awa abusena bumwi. Elyo cindi mwaalumi ayanda kuba sibwanakazi uukompeme maningi, kuli cintucimwi cilubide abusena bumwi. Leza wakapanga mwaalumi a kumusamika mbuli mwaalumi, a mwanakazi mbuli mwanakazi. Walo ucili mbwabede lyoonse kuba bamba munzila eyo. Ameni. Cindi mwabona balo kabacita cintucimwi cimbi, kuli cintucimwi cilubide. Ca kapilingana. Elyo cintu coonse caba nkamu ya bapilingene. Mbo mbubo ncobeni. I mukowa woonse, nzyalani yoonse, ngu, “cintu coonse caba cilonda ciboledé,” mbuli Bbaibbele mbo lyakaamba. Takukwe bubotu kuli koonse. Nywebo mulizi kuti obo mbwini. To konzyi kujana buli—buli boonse akati kab... Pele koya mu kagwagwa, nciyumu kujana mwaalumi wini; mbuli basibwanakazi bakompeme mbuli Mbe kasola kubona. Elyo banakazi, basama malukwe, kugela masusu abo, kupertu milomo, kufweba misanga yatombwe, kusola kuba

mwaalumi. Neinzi nco yandila kuba mwaalumi? We elede kuba mulindu.

¹¹⁵ Nda kabona citondezyo, kati, "Matafule aa balindu," mu bbiyaholo.

¹¹⁶ Nda kati, "Tokabi a sikuula naba omwe." Ii mulindu takainki ku busena buli boobo. Peepe, munene. Peepe, mulindu taka citi. Ii mwankazi inga wacita, pele kutali mulindu. Ta kanjili mu busena buli boobo. Pele mpaawo we, mwabona.

¹¹⁷ Leza wakandaanya, katenda. Mwabona, Mubili, Nabwiinga wa Kristo, weeleda kujokela nkoonya ku citaanzi. Lino Eva wakali . . .

¹¹⁸ Ino Eva wakali nzi? Walo a Adamu bakali bomwe. Ba kali kutegwa Adamu. Ba kali muuya. Cindi Na kapanga muntu, ciindi citaanzi, Wa ka mubamba mu cinkozya Cakwe Mwini. Elyo Leza Muuya. "Mu cinkozya ca Leza Wa kamulenga, mweenze a muzyazi Wa kabalenga." Wa kali . . . elyo mpawo nekubaboobo kwakanyina muntu wakupanda bulongo. Mpawo Leza wakabumba muntu kuzwa ku suko lya nyika a kubikka muuya oyu wabubili muli nguwe, nkabela oyo wakali Adamu mutaanzi.

¹¹⁹ Mpawo cindi Na kandaanya Eva kuzwa kuli Adamu, Eva wakawa ku kuunduluzya Ijwi. Mbo mbubo. Awo mpempawo mbungano mpoya kakacilwa sunu, kuunduluzya Ijwi!

¹²⁰ Pele mu kaambo aka, ku Lunyungu lwa Bwami, lutegwa, lwakakanzwa ku Buumi Butamani, Lunyungu lwa Bwami ilwa Abrahamu, bala lisyoma Ijwi eelyo. Ta ndikwe makani eco ciboola na kuunka, obo kunji mbo baseka, oyo waamba *eci*, *eco*, na *cimbi*, bakasalwa ku Buumi Butamani. Elyo ula jokela nkoonya kusule. Walo a Muyandwi wakwe, Kristo, mbamwi. I Buumi, Muuya uli muli Kristo, uli mu Mbungano. Eco ncipangano cabro Citamani, awa. Mwabona? Leza waka bweza Muuya wa Kristo, kauzapaula, ku cituuzyo aa Kalivari; a kubweza Muuya oyo, kasumpula mubili a kuubikka ku janza lyalulyo lya Cuuno cabwami ica Leza a Mupati oko Kujulu. Nkokuti, zintuzyonse ku Julu zyeendelezegwa aa Nguwe. Elyo mpawo Muuya wakali aali Nguwe, waka jokela; Muuya nguwenya, kutali Muuya umbi, Muuya nguwenya wakaboola ali Nguwe, kuzosimpikizya cipangano ku Lunyungu lwa Bwami.

¹²¹ Elyo mu mazuba aakumamanino tweelede ku cibona, kweendelana ku Lugwalo. Elyo Nabwiinga wa Kristo katana konzya kusola kutolwa kujulu, kweelede kuba mulimo unjilana buyo kabotu mbuli boobo. Amen. Ndili kkomene loko kwaamba, sunumasiku, kuti Ndi lizi obo Mbwini. Amen. Kunjilana kabotu, kusimpikizya cipangano!

¹²² Wa kacisimpikizya okuya, kamutondezya eco Nca kali kuyo cita, kusimpikizya cipangano. Kufumbwa sicikolo wa Bbaibbele

ulizi kuti awo Mpa kasimpikizya cipangano kuli Abrahamu. Ino Wa kali kucita nzi? Kutondezya mu ciiminizyo, eco Nca kali kuyo cita, a zituuzyo ezi.

¹²³ Elyo lino ciindi ciya bumana, alimwi Nse kooba a ciindi ca kwandaanya zituuzyo ezi. Ndiyo elela ndiza kucita ceeco juunza masiku, pele, amubone, kutondezya eco ncoba, ezyo zituuzyo ezi nco zyakali kwaamba. Pele, mwabona, Wa kacisimpikizya, kutondezya kuti mu mazuba aakumamanino . . .

¹²⁴ Lino kufumbwa muntu oyo wakasola kubala makani aakale, ulizi kuti eyo nje nzila mboba kapanga cipangano. Ba kacilemba, mpawo baka cizapula mu zibeeela, akucipa; umwi waka bweza cipanzi comwe, alimwi umbi comwe. Ba kacita kujokela, ku cituuzyo, kubamba zituuzyo zyabo. Nce ncico Abrahamu nca kacita ku i . . . kumusanza mu Gera, abumwi bumbi, oko nkwa kaunka okuya, oko nko baka tuula cipaililo . . . katuula cituuzyo cabu a kubamba kuzuminana kwabo, a kucizapaula mbuli boobo. Elyo Leza wakacita cintu nciconya, kutondezya okuya eco Nca kali kuyo cita ku A- . . .

¹²⁵ I mubuzyo wakali, "Luli kuli—luli kuli olu Lunyungu Ndo kandi syomezya? Kuli? Mbobuti Mbwe yooba ndulo? I bantu bali muku ndiseka, kwaamba, 'Abrahamu, taata wa masi, yakali myaka ili kkumi ayosanwe. Lino uli myaka ili makumi ali lusele ayosanwe yakukomena, na—na makumi ali fuka. Bali, bali, bali, bali kuli bana banu boonse? Mbangaye bana mbo jisi lino, taata wa masi?" Mwabona, ku mufubaazya. Pele ta kazungaana. Wa kakkala ncobeni a ncico. Ka fubaazya, kati, "Taata wa masi, lino atu bone, mbangaye bana mbo jisi ku ciindi eci?" Mwabona, kuyanda ku fubaazya, nkaambo wa kali jatilide ku zisyomezyo zya Leza, kasyoma kuti Ula konzya kubamba eco Nca kasyomezya. Ula—Ula konzya maningi. Ula . . .

¹²⁶ Ula konzya kulibambila cituuzyo Cakwe Mwini. Ngu Jehova Jire. Ula konzya kulibambila a kubamba nzila kuli ceeco Nca kasyomezya. Elyo Wa kasimpikizya cipangano kuli nguwe kwiinda ku kumutondezya nzila Mbwa kali kuyo cicita, kubweza Kristo a kumwayaula Buumi kuzwa kuli Nguwe, a kubutuma ansi ku mazuba aakumamanino aa . . .

¹²⁷ Lino tuyu manizya ceeco mu Lugwalo, mvwiki eyi, kutondezya ceeco kuli ndinywe, kuti eci cipangano ceelede kusimpikizigwa a Lunyungu lwa Bwami ilwa Abrahamu, bali mbantu kuzwa kuli Bamasi, kutali ba Juda, "bantu bazwa kuli Bamasi, nkambo ka Zina Lyakwe," ku babwezela Zina Lyakwe. I Mbungano ijisi Zina Lyakwe liyo jokela muli Nguwe, nkaambo oyo ngo nguwe Mbwa bede, Buumi bwakwe.

¹²⁸ Amuswiilile, cindi aa Buzuba bwa Pentekoste, cindi Muuya Uusalala niwakawa aa Buzuba bwa Pentekoste, i Buumi bwaka pegwa ku Mbungano. Elyo eyo Mbungano yakaunka ncobeni a

kuleta, ba kalemba kunze lya Mbungano eyo Bbuku lya Incito, lya ceeco Nciya kacita, nkaambo wakali Kristo mu baapostolo.

¹²⁹ Lino Jesu wakati, mu Musalali Johane 15, “Ndili Musaansa, nywebo muli mitabi.” Lino, Musaansa tauzyali micelo. Mutabi nguuzyala micelo. Ula pegwa nguzu zizwa ku Musaansa. Ee, lino, ikuti na mutabi oyo, umwi mutaanzi wa kayutuka aa samu elyo, wakaleta Bbuku lya Incito; ikuti na oyo ukasole kusonza mutabi umbi, buyooba Buumi mbubonya.

¹³⁰ Ii myeezi misyoonto yainda, Nda kaliimvvi a mweenzuma mubotu, John Sharrit, kutala ku Phoenix. Ndi kkala ku Tucson, mbuli mbo muzi. Elyo aboobo Nda kali kutala ku Phoenix, Mukwesu John Sharrit, mukwesu Munakristo mubotu loko. Elyo wa kali ncobeni mucete, ncobeni, alimwi Mwami waka mulongezya. Elyo—elyo cindi Ne kasaanguna kuya ku Phoenix, myaka yakainda, ta kajisi bana. Elyo—elyo wa kali kuyanda bana. Elyo—elyo balo, bacete, kababeleka mu tugwagwa, kupwaya samende, kutandila maseenti ali makumi obilo aosanwe, makumi otatwe mu oora. Elyo wa kaselemukila okuya, nkabela wa kasyoma Ijwi lyoonse lya Mulumbe. Elyo wa kati, “Sa inga wandi kombela?” Uli jisi bana bosanwe lino.

¹³¹ Elyo kuti, kuze lya booboo, ula pa kutandila madollar ali mamilioni otatwe na one mwaka amwaka ku kaambo ka Kristo. Elyo mbo mbubo. Nda kali anguwe okuno, kutali ciindi cilamfu cainda, kulanga ku mpulazi yakwe ya buntonje. Wa kaula eibela ca cisi, kajisi bana Mexico bali myaanda iili kkumi ayosanwe kaba cimamela. Elyo wakali, myaka iili kkumi ayosanwe yakainda yakali kupa mali akupwaya samende, ku maseenti aali makumi obile aosanwe mu oora.

¹³² Wa kandi tola mu muunda wamasamu wa masitrasi akwe mapati. Elyo Nda kabona samu kaliboneka kabotu lok, okuya, Nde kasola kubona mu buumi bwangu. Wa kali musyobo umwi wa samu, lya kajisi misyobo yoonse ya micelo aali ndilyo. Elyo Nda kalanga, alimwi lyaka jisi mafulleenke, lyaka jisi malemoni, lyaka jisi magirepu, lya jisi matangerini, kajisi matangelo. Ndi yeeya kuti kwakali misyobo yandeene ili fuka iya micelo, na kkumi. Elyo Nda kati, “Ino musyobo nzi wa samu eelyo?”

¹³³ “Oh,” wa kati, “eco ncisolekelo buyo cisyoonto, Mukwesu Branham.”

¹³⁴ Nda kati, “Oh, Nda bona.” Elyo Nda kati, “Yonse iponena aa samu eelyo lyomwe?” Nda kati, “Ino musyobo nzi wa samu, ku kutalika?”

¹³⁵ Wa kati, “Ndi samu lya fulleenke. Eelyo ndi fulleenke lya nevo.”

¹³⁶ Elyo Nda kati, “Nde ndilyo na?” Nda kati, “Ncinzi aya amwi ncoba cita okuya?”

Elyo wa kati, “Ya kasomekwa muli ndilyo.”

¹³⁷ Nda kati, "Oh, Nda bona." Nda kati, "Nda mvwisya." Nda kati, "Lino, lino mwaka uucilila, zintu zyoonse ziyo sanduka ku mafuleenke, embo na?"

¹³⁸ Kati, "Oh, peepe." Kati, "Peepe, lemoni liyo leta malemoni." Wa kati, "I...elyo mucelo wa magirepu uyo zyala micelo ya magirepu, nkabela wa tangerini uyo zyala tangerini."

Nda kati, "Kuzwa ku samu lya mafuleenke?"

Wa kaamba, "Iiyi, munene."

Nda kati, "Ta ndiboni mbo cikonzya kucicita."

Kati, "Micelo ya masitrasi yoonse."

Nda kati, "Ee, alumbwe Mwami! Nda bona cintucimwi."

¹³⁹ Langa! Oh, mukwesu, cindi oyo Muuya Uusalala niwakayutuka mu Musaansa oyo, a kuzyala kuzwa ku Musaansa wawo kuya ku mutabi mutaanzi, nkabela ba kalemba Bbuku lya Incito kunze lya nguwo, ikuti na samu eelyo likasole kusonsa mutabi umbi winii, uyo komena kuba cintu nciconya. Uyo oba Jesu Kristo. Lino tu jisi ba Methodisti, Presbyteria, Baptisti, Lutherani, zintuzyonse zimbi zyaka somekwa muli ndlyo, kuzyala micelo yakabungwe; pele ikuti na ukasole kusonsa mutabi umbi, uyooba wakasimpe, uuzwide Kristo, uyooba Ijwi lya Leza liyeeme ali Kristo.

¹⁴⁰ Elyo, amuyeeye, mula yeeya mulumbe wa *Samu Lyu Nabwiinga*. Bunji bwanu mula bweza mateepu. Obo mukamwini muunda mbwa kayutuka, nkabela wakali kuzyala musyobo utaluzi wa micelo, aboobo wa kau gonka, kau gonka, kuzumanana kuugonka konse, kuugonka konse. Pele Joeli wakati, "Eco diingo ncolya kasiya, camusokony waka cilya; eco diingo... camusokony ncakasiya, cintucimwi cimbi cakalya." Tu jana kuti tuuka oto twakali tuuka ntutonya, biyi mu zibeela zyandeene. Elyo eco ba Lutherani ncoba kasiya, ba Methodisti bakalya; eco ba Methodisti ncoba kasiya, ba Baptisti bakalya; eco ba Baptisti ncoba kasiya, ba Pentekoste bakalya. I cintu coonse caka gonkwa.

¹⁴¹ Pele Leza wakati, "Njo boozeyza, mbwaamba Mwami, myaka yoonse. Ndiyo tuma Mbungano imbi kujoka, mu mazuba aakumamanino. Ndiyo boozeyza Nguzu ezyo zitaanzi alubo. Ndi... Ku ciindi caku mangolezya, kuyooba Mumuni." Kunsi kwa moyo wa samu eelyo, takukwe makani kuvula kwa mitabi nko ikokolwa, kuyo yutuka Lunyungu lwa Bwami ilwa Abrahamu! Aleluya! Leza waka cisyomezya. Leza uyo cicita. Wa kati Uyo cicita. "Njo boozeyza myaka yoonse tubungwe nto ya kalya. Njo boozeyza myaka yoonse. Nda kacikokweda cintu, pele nekubaboobo kuyo boola Musaansa kuzwa ku moyo wa nguwo. Uyo ba mbuli samu lwa kasyangwa munsi lya milonga ya maanzi, muntu oyo uuyeeya mu Ijwi lya Leza, isikati a masiku," kutali ku kansiyansiya na kabungwe, "pele kuyeeya mu Ijwi, isikati a

masiku. Uyo ba mbuli samu lwa kasyangwa munsi lya mulonga wa maanzi; mitabi tai wizuki pe. Uyo zyala micelo yakwe mu ciindi ceelede.” Leza waka cisyomezya.

¹⁴² Leza kazapaula kwaangulula, kusomona, kutenda mu zibeela, kulipambula Mwini, kulyaabaula Mwini. Wa kacita cintu nciconya aa Buzuba bwa Pentekoste, cindi Muuya Ususalala niwakaseluka. Oyo Musumpululu wa Mulilo wakaseluka, oyo wakatobelwa Israyeli, toonse tu lizi kuti wakali Logosi, oyo wakali Kristo. Elyo cindi Ni nakaseluka, aa Buzuba bwa Pentekoste, ino Wa kacita nzi? Wa kalyaabaula Mwini, a myaambo ya Mulilo yaka kkala ali umwi aumwi wabo. Leza kalyaabaula Mwini akati ka bantu. Oh, mukwesu, ula konzya kutaabaulwa, a Muuya nguwenya oyo wakali muli Kristo.

¹⁴³ “Oyo usyoma Ndime, milimo Nje cita uyo icita awalo. Mipati kwinda eyi, na *minji* kwinda eyi,” busanduluzi bululeme “nkambo Nda unka kuli Taata. Nekubaboobo, kaindi kaniini elyo inyika tiika Ndi boni limbi, nekubaboobo muyo Ndi bona, nkambo Mebo,” bbala lyaamba mugame, “Njo oba andinywe, akwalo muli ndinywe, ku ciindi camamanino, magolelo.” Wa kasyomezya kucicita. I Lunyungu lwa Abrahamu, Mpali ano lino. Ngu . . .

¹⁴⁴ Tuli waano, mazuba masyoonto aindu, kusekelela bubuke Bwakwe, kuti Leza waka Mu busya. Tula ku lungulula. Tula kwiimba. Alimwi inga Wa libonya a kucita cintucimwi eco Nca kacita, mbuli buyo Mbwa kacita kakutanaba bubuke Bwakwe, ni twa ciita kuti, “musondi, dyabulosi, Bezebule,” kucisinkila kuzwa ku mbungano. Ino tucitila nzi eco? Kweelede kuzulizya Lugwalo, kuti, mu Bukkalo bwa Laodikeya, Ijwi, oyo wakali Kristo, waka bikkwa aanze, [Mukwesu Branham wakonkomona aa cikambaukilo—Mul.] kakonkomona aa mulyango, kusola ku jana kubelekela amwi kuzwa kubusena bumwi, kunjila a kuliyubununa Mwini.

¹⁴⁵ Pele kuyo boola mutabi kuzwa Omuya, cakasimpe buyo mbuli cintu cili coonse!

¹⁴⁶ Nda kati ku Mukwesu Sharrit, “Mpawo musyobo nzi wa mutabi ngwa yoleta mwaka utobel? Sa uyo boola kuba wa mafuleenke? Sa uyo boola kuba wa malemoni? Sa . . .”

¹⁴⁷ “Iyi, uyooba mutaanzi wini,” wa kaamba. “Cindi wa kuzyala mutabi kuzwa kuli lwawo, ayooba wa mafuleenke, mbubonya buyo mbo wakabede ku matalikilo.”

¹⁴⁸ Elyo cindi Lunyungu, lwini lupona ilwa Abrahamu nilwa kulibonya, oyo Muuya nguonya wakali muli Jesu Kristo uyo pona akati kabu, lyoonse Ijwi liyo tondezegwa a “Ameni.” Bala Li syoma. Kutali, “*Eli* lili nanikidwe, alimwi *Eelyo* tali nanikidwe.” Bala cisyoma Cintu coonse, nkaambo Ndi Ijwi lya Leza.

¹⁴⁹ Sena mula Ci syoma, sunumasiku, a moyo wanu oonse? Nda cisyoma.

¹⁵⁰ Nda kakambauka okuno lino kusikila cakaba ciindi cilamfu. Atu kotamike mitwe yesu aniini buyo. Elyo Njo cimanizya eci juunza masiku. Nda syomezya kuti Nse komu musya.

¹⁵¹ Jesu Kristo mbobuca nguwenya, sunu, amuya... Kusimpikizigwa, caka bambwa a Abrahamu, cindi ku lusyomo na kacibona, wakazumanana ncobeni, katazungaani mu kutasyoma. Ta kazungaana. Lino ino kujatikizya Lunyungu Lwakwe lwa Bwami, swebo notu taminina, swebo to Banakristo ba buzuba obuno, abo bataminina kumyonta nkomeki njionya eyo Nja kanywida, mukuba a Muuya Wakwe nguwenya muli ndiswe, a ku Mu bona kasimpikizya cisyomezyo Cakwe cakuba a ndiswe?

¹⁵² I cisyomezyo, kucibamba kuzulila, tii cakali boobo mu makkalo oonse. Taakwe notwaka cijisi pe. Amulingule makani aakale. Kwiina nicaka libonya. Elyo nkokuli nko Ca kacita, kweelede kuunka ku mazuba aakumamanino? Ku Mbungano insale. Kutali ku Babuloni, kutali ku Sodoma; ba kajisi mutumwa kumusanza okuya. Pele Muuya Uusalala Mutumwa ku Mbungano nsale, sunumasiku, Leza kakkala mu mibili wabuntu, kalitondezya Mwini, Sikutweluka, Ijwi eelyo litweluka miyeeyo a makanze aa moyo. "Jesu Kristo mbobuca nguwenya, sunu, amuya myaaka." Ngu Jehova Jire. Wa kabamba kale Cituuzyo cesu, alimwi uli muku simpikizya cipangano Cakwe. Uli mukubamba cipangano Cakwe, mu mazuba aakumamanino, a bantu.

¹⁵³ Beenzuma, inga twa ambaula awa busiku boonse. Zintu zyaambwa, kuli zinji zyaambwa. Kuli bantu ano bacisidwe; uyanda kuponesegwa. Nkaambonzi ncota syomi Eco? Ikuti na Nda konzya kukuponya, inga Nda cita. Ko kombi. Ikuti na Nda konzya kukuponya, inga Nda cita. Nse konzyi ku kuponya. Ndili... Nywebo amubone, Ndi pa kuswaangana, busiku butaanzi na obilo, awa, ku kombela baciswa. Elyo eco tacili buyo ca ceeco. Ikuti na kuli Lunyungu lumwi awa lwakasalwa ku Buumi, Muuya Uusalala uyo cijata. Bayo cibona. Bayo ciziba. Lino Ngu...

¹⁵⁴ Mbangaye omuno banga batambika maanza anu, kumbele lyu Leza, a kwaamba, "Nda cisyoma a moyo wangu oonse, kuti Jesu Kristo ngu mbobuca nguwenya, sunu, amuya myaaka; kuti Wa kabuka kuzwa ku bafu, alimwi Ula pona akati kesu sunumasiku, kulitondezya Mwini kuba akati kesu, elyo Nda syoma kuti nca Leza"? Sa inga watambika maanza ako, a kwaamba, "Nda cisyoma ncobeni"?

¹⁵⁵ Lino, Taata Wakujulu, bali mu maanza Aako. Bali... Bali muku taminina kuti balo Ndunyungu lwa Abrahamu. Ba—ba yanda, ba—ba yanda zileleko zya Leza. Elyo lino Nda baambila,

mu nzila eyi, niini ibombede. Nda talikila a cibalo cangu, nkabela nse konzya kucimanizya. Pele, Taata, ba—ba bona awa, mu kusimpikizya kuli Abrahamu, kuti Wa kasimpikizya cisyomezyo kuli nguwe, kamupa kusimpikizigwa. Lino ikuti i—ikuti na Muuya wa Kristo tauli muli ndiswe, nkokuti ta tuli cintu ca Kristo. Elyo bulenge bwa Kristo tabu konzyi kucincwa.

¹⁵⁶ Elyo Wa ka twaambila kabotu, a kusyomezya zintu ezi kweendelana ku Bbaibbele, mu masena manji. Acalo Cizuminano Cakale caka cisyomezya, muli Malaki 4, kuti obo mbo ciya kuba ku mazuba aakumamanino, "Uyo sandula myoyo ya bana kujoka ku Lusyomo lwa matata," mbuli matata aa Pentekoste, Njiisyos ntaanzi ya Bbaibbele, Ijwi taanzi, eco Nco liya kucita. Elyo kuyooba citondezyo, alimwi eci citondezyo ciya kusimpikizya, kusimpikizigwa ku Jwi eelyo liya kucitobela, kuti Uli waano. Elyo tula Ku syoma.

¹⁵⁷ Lino, Taata, akube—akube kuti Saatani alibabile kuzwa. Ta—ta tu syomi kuti tu jisi nguzu zili zyoonse, Mwami. Ta tutaminini kuba a nguzu. Tu taminina kuba a bwami.

¹⁵⁸ Tula mvwisya, musilikani muniini mu kagwagwa, kajisi ngowani niini kaisamikidwe aa mutwe wakwe, ku myootokala mipati iifumpa mu migwagwa mipati loko, ku mamaile ali nainte mu oora, a mota ya mahosipawa ali myaanda yotatwe, ta jisi nguzu zya kwiimika imwi yazyo. Inga yamu pwayaula buyo ansi. Pele alekelewe buyo kutondezya eyo bbaaji, aku tambika maanza akwe, mabbuleki ayo jata a mataya ayocuta. Bwalo mbwami. I dolopo lyoonse lili kunsi lyakwe. Walo ujisi bwami, kutali nguzu. Kwayanda inga talema mapaundi ali mwaanda, pele ujisi bwami.

¹⁵⁹ Elyo nje nzila mboibede sunumasiku, Mwami. Twa boola kuli Saatani, kutali a nguzu, pele a bwami, kutondezya Bulowa a kusimpikizya kwa cipangano. Ta jisi nguzu zya kujatilila bantu aba baciswa.

¹⁶⁰ Kubalanga aali mbabo a kubona kaba cipengela koonse, awa, O Leza, ikuti na kuli nzila imwi Nje konzya kuleta Mulumbe kuli mbabo! Ikuti na bakonzya biyo kubona, Mwami, komvwisya buyo! Ba sinsimuna, Mwami. Ciindi cimwi lino, sunumasiku, balekele babone kuti Nduwe Leza nguwenya. Uli mukutondezya Ijwi Lyako. Ula Li bamba mbubonya mbuli Mbo kasyomezya. Mu mazuba aya akumamanino, Wa kaamba zintu ezi kuti ziyo citika, "Cindi Mwana wa muntu ano yubununwa," kuti zintu ezi ziyo citika. Ko cipa, Mwami, a kubalekela kubona kuti Nduwe. Mu Zina lya Jesu, Nda komba. Ameni.

¹⁶¹ Lino amusyome, beenzuma. Muli bbunga bbotu boobu. Nda kaindilila ncobeni aciindi cangu, mwabona, elyo Nse—Nse li kuyanda kucita ceeco. Nda baambilka kuti Ndi...tuno kotokede aa ciindi, sunumasiku, pele Nda cikakilwa nkaambo Ndi...

Elyo Ndiyo manizya cibalo cangu juunza masiku, ndiza, Mwami nawayanda.

¹⁶² Lino mpaawa mpo tubede. Muli bantu. Toonse tuli bantunsi buyo. Tu yanda kupona. Muntu onse uyanda kupona ciindi cakwe. Nda syoma Leza uyanda kuti tucite ceeco. Nda—Nda cisymoma. Lino, takuli kuti nkaambo kunyina Bbona mu Gileadi.

¹⁶³ Nywebo mulizi, ca kaambwa ciindi cimwi, “Nkaambonzi, nkaambonzi cili obo? Sa—sa takukwe bbona mu Giliadi?”

¹⁶⁴ “Sa takukwe musinsimi okuya?” Isaya wakati, na, Nda amba kuti Eliya kuti wakaamba. “Kamuya muka mubuzye, ‘Sa nkaambo kakuti kwiina musinsimi mu Israyeli? Nkaambonzi nco unkila ku Ekironi kutala okuya, kaleza ka Baala-zebabu? Nkaambonzi, ncinzi, nco inka kutala okuya?’ Walo mukuba mu Juda, ‘Nkaambonzi neo inka kutala okuya?’”

¹⁶⁵ Kati, “Sa nkaambo kunyina bbona muli Giliadi, takukwe musilisi oko? Sa kuli? Sa ako nkekaambo?”

¹⁶⁶ Sa ako nkekaambo? Peepe, Munene. Tuli lijisi Bbona. I Muuya Uusalala mpouli ano. Iiyi, munene. I cisymezyo nci cesu. Lino mweelede buyo kucisymoma. Nywebo . . .

¹⁶⁷ Mbuzuba oko mizeeo ya bantu nko isabalangene maningi, taba ci . . . Nda ba fwida kuusa. Ta bazyi eco caku syoma. Umwi waamba *eci*, alimwi umwi waamba *eco*. “Elyo akube kuti ijwi lya muntu lyoonse libe lya bubeji, nkabela Lyangu libe bwini,” Mwami Leza wakaamba. Mbo mbubo. Lino Ta konzyi kucinca bupange Bwakwe.

¹⁶⁸ Lino, Nda syoma busiku bwainda twa katalika a kkaadi lya mipailo wani (embo na?), a kwiitila kutandila makumi obilo, na cintucimwi mbuli ceeco. Huh? Atu cince buyo bweende obo. Tu tabi a makkaadi aa mipailo pe. Iiyi, amukombe buyo. Nywebo mulizi, kkaadi lya mupailo likuleta buyo atala awa.

¹⁶⁹ Pele Nda mvwa Busyu Bwakwe, aboobo Ndi lizi ncobeni kuti Mpali ano. Mbangaye bakasola kubona cifwanikiso ca Angelo oyo wa Mwami? Aboobo amundi gwasye, cindi Nda kumuswaana ku Lubeta, Tali matende obile kuzwa awo Mpe imvwi mpoonya awa. Mbo mbubo. Uli waano.

¹⁷⁰ Lino muntuumwi uta jisi makkaadi aa mipailo, tambika janza lyako, kwaamba, “Nse jisi makkaadi aa mipailo, elyo nekubaboo Nda ciswa a kubula.” Ee, cili ku masena oonse. Ncibotu.

¹⁷¹ Lino Ndila mwaambila. Ncinzi eco Angelo nca kacita kutala okuya ciindi eco? Wa kanyona sule Lyakwe, waka futata sule Lyakwe kuli Abrahamu. Kwalo, Ne sika ku, sunumasiku, elyo nse cicita. Elyo awo Mpa kati, “Ciyoba cintu nciconya ku kuboola kwa Mwami, mbuli mbo cakabede ku Sodoma.” Tu jana kuti, Wa futata sule Lyakwe ku tente. Elyo Sarah wakaseka eco Nca kaamba, nkaambo Wa kamwaambila. Elyo ta kakonzya

kumvwisia ceeco, mukuba buyo Muntu okuya, kalya nyama eyo nja kangide, kunywa mukupa uuzwa ku ng'ombe, a kulya nyama ya moombe, nkabela oyo wakali Leza.

¹⁷² I Bbaibbele lyakati mbo cakabede. Abrahamu wakati cakali obo, "Elohimu." Mbo mbubo. "Elohimu," *Leza*. Wa kazimaana nkoonya kumbele lya Abrahamu. Elyo, "Leza," ka Mwiita kuti, "Mwami Leza, Elohimu, Umwi ulijisilidi zyoonse."

¹⁷³ "Ku matalikilo," bbala ndilyonya lila belesegwa. Kufumbwa sicikolo mupati ulizi obo. "Ku matalikilo *Leza*," amulange mu Cihebrayo, "Elohimu."

¹⁷⁴ Amulangilile cindi Abrahamu nakati, "Mwami Leza, Elohimu," nguonya Mwaalumi, Muntu nguonya, katondezya kuti Leza uyo liyubununa Mwini mu mubili wabantu, ku Lunyungu lwa Abrahamu, ku kusimpikizya cipangano, a kucita cintu nciconya Nca kacita, (mwa cibona?) cintu nciconya Nca kacita okuya. Walo lyoonse musinsimi uutweluka miyeeyo a makanzee aa moyo. Nkaambo, mbangaye bazi kuti Bbaibbele lya kaamba booboo, "I Ijwi lya Leza lila tweluka miyeeyo ili mu moyo"?

¹⁷⁵ Lino ikuti na Leza uyo bweza nokuceya bantu botatwe omuno, sunumasiku. Lino oku nkuzundikizya. Ikuti na umwi uta yeeyi kuti cili booboo, ko boola ucicite. Ikuti na taba citi, nkokuti utaambi cintu kujatikizya ncico. Mwabona? Lino, amubone, kubweza bantu botatwe nobaceya, (botatwe nkusimpikizigwa), abo beenzu kumaninina, alimwi ikuti na Muuya Uusalala.... Ikuti na mula syoma buyo, nku koonse Nkwe mulomba kusyoma, ku cita, nku syoma kuti *eli* Bbaibbele kuti Mbwini, alimwi tu pona mu mazuba aakumamanino, alimwi eci ncisyomezyo ca mazuba aakumamanino.

¹⁷⁶ Amuyeeeye, Abrahamu, na taakwe umwi umbi, wakabona citondezyo cimbi kusikila Mwana waka syomezegwa nakasika aa cilao. Abrahamu wakabona misyobo yoonse ya zitondezyo a zintu, kusika obo, pele eco cakali citondezyo camamanino. Ta ka cityoli; buzumanane bwa Leza. I Lunyungu lwa Abrahamu, eco nce citondezyo cabu camamanino. Mwabona? Eco cakali camamanino. Leza! Wa kalizi, mpoonya awo, kuti wakali Elohimu. Elyo Jesu naka jokela nkoonya a ku caamba kuti ciyooba mu nzila eyo, elyo mpaawa mpo tubede mpoonya awa sunu ali ncico, cintu nciconya.

¹⁷⁷ Nobantu, obu Mbwini. Ndi lizi, "Mpoonya awa mu butala buniini?" yebo waamba. Ee, lyoonse cakali munzila eyo. Wa kazyalwa mu cilido. Kwakanyina muntu uli oonse wakali kukonzya ku Mu syoma. Pele abo biyo ba Lunyungu mbaali syoma, abo bakasalilwa Buumi, nku koonse. "Boonse abo Taata mbaka Ndi pa bayo boola kuli Ndime." Mbo mbubo. Ta beeleder kulibilika, kuti; zina lyabo nkolili, bayo libona. Elyo buti? Bayo cicita.

¹⁷⁸ Lino, mwabona, muzeezo buyo, Nda—Nda konzya kukomba a kubikka maanza ali ndinywe. Ndiyo kanana ali ceeco, kapati Munondo masikati. Pele Ndi—Ndi yanda kuti mubone kuti inga mwa bikka maanza anu ali Nguwe. “Walo Mupaizzi Mupati uukonzya kugumwa kwiinda kukulimvwa kwa kulengauka kwesu.” Sena mula syoma obo? [Mbunga yaamba, “Ameni.”—Mul.] Mula cisyoma. Elyo lino ikuti na Uyo cita ceeco...

¹⁷⁹ Nse—Nse zyi muntuumwi awa. Nda citika kulanga okuya, elyo Nda kabona bobilo na botatwe beenzuma bakkede mpoonya alya, oyo mukutausi, bunji bwabo okuya. Elyo umwi a mutwe wakwe aansi, i Mwami wakazwaa kuponya mwana wakwe mulombe muniini, kuzwa ku kulebuka kwa boongo, nekuba, sunu, wandi tumina kwiinda ku telefoonni.

¹⁸⁰ Elyo—elyo mwaalumi umbi okuya, a muvwanda wakwe muniini, busiku bumwi, bakali kuyeyya kuti wakali fwide. Elyo Nda kali mu Beaumont. Elyo swebo, twiitwa, kainka okuya, elyo wa kabikka maanza aakwe aali ndime, katalika kulila, kati, “Mukwesu Branham, Ijwi lya Mwami lili a nduwe. Ko Mu lomba buyo.” Ku kaindi ako nkakonya, muvwanda muniini waka jokela ku buumi, a katalika kupona alubo. Ngooyo wisi ukkede mpoonya alya, mukutausi.

¹⁸¹ Alimwi oyu mwaalumi, mootokala wakanjila muntenda, elyo yaka muwaala kwinda mu cintuemwi na cimbi, a mu cilindi, a kuuma kulebula boongo bwakwe buniini, a zintu. I Mwami waka muponya, kali kabotu loko. Ba kasyoma. Ba ncobeni...

¹⁸² Lino utaambi kuti Nda kacicita. Nse kajisi cintu cakucita a ncico. Lusyomo lwabo muli Leza, ndo lwa kacicita. Uli jisi lusyomo! Zyonse...

¹⁸³ Jesu wakati, mu Musalali Marko 11:22, “Kufumbwa cintu! Ikuti na waamba ku dundu eli kuti, ‘Ko zyuka,’ alimwi uta zumbauzyi mu moyo wako, pele kosityoma kuti eco ncoamba ciyo citika, inga waba aceeco ncoamba.” Pele nceeco we, mwabona. Ta buli bulangizi; kwalo “nku ciziba.”

¹⁸⁴ Elyo ikuti na Ula konzya kulitondezya Mwini kuti muumi, Oyo wakapanga cisyomezyo ulakonzya kulitondezya Mwini kuti muumi, alimwi taakwe cimbi mu inyika cikonzya kucicita. Amu sinsimuke! Amuli zungaanya, canguzu loko, muuya wanu. Mwabona? Taakwe cintu mu inyika cikonzya kucicita cita Leza.

¹⁸⁵ Lino mula konzya—mula konzya kucibeteka mubi, ikuti na mula yanda. Ba ka Mu beteka bubi, kutegwa kabacikonzyi kubeteka Muuya Wakwe kuba mubi. Ba kati, “Wa kali dyabulosi, kacita ceeco.” Ee, mubwini, ba kajana bulumbu obo.

¹⁸⁶ Yebo kosityoma buyo. Yebo tokonzyi kuponya. Ta ndikonzyi kuponya. Kwiina muntu uukonzya kuponya. Leza ngo musilisi.

¹⁸⁷ Pele ikuti na wakonzya buyo kuziba kuti nguonya Oyo ngo belekela, a kulyandaanya lwako kuzwa ku inyika kuyaku kubeleka, nguonya Oyo ngo yanda; nguonya Oyo uyoima mu Lubeta, yebo mu Lubeta a Nguwe, ku kubetekwa, ikuti na Busyu Bwakwe inga bwaboola mpoonya awa a kutondezya kuti Uli waano!

¹⁸⁸ Lino mibili Wakwe wakunyama taukonzyi kucicita. Cindi eco casika, ciindi camana. “Mbali lulabo mbo luzwa Kujwe kuya Kumbo, mbubonya kuboola kwa Mwana wa muntu mbo kuyooba.” Pele, Muuya Wakwe!

¹⁸⁹ Elyo Mbungano yaboola, amulange mboya sumpuka; kwiinda mu kululamikwa, kusalazigwa, lubbizyo lwa Muuya Uusalala; elyo lino moonya mu ciindi ca kukwempwa, kubamba Mbungano kulibambila. Mbubonya buyo nzila mbo caka syomezya, nzila njionya Makkalo aa Mbungano mbwa ndandeme, alimwi twaka cibona eco, zintuzyonse kaziseleka ncobeni, a kuseluka ncobeni.

¹⁹⁰ Pentekoste nkabunga ka mamanino. Eco cileendelana ku Lugwalo. Ka yooba kabunga ka mamanino, kakakwa abamwi babo, mbo mbubo, mbuli kabunga. Taakwe kabunga kayo tambulwa kuli Leza. Kalo ii...Balo mbagame, mbaabo bakazuminwa kuli Leza.

¹⁹¹ Lino sa tamu konzyi kusyoma Busyu Bwakwe? Lino awa, Ndili munyoko buyo, elyo lino ka tumwa, kuti Leza waka ndaambilka kuboola kucita ceeci. Nkikaako, Nda Mu syoma. Elyo ikuti na tii caka lembwa mu Ijwi, ku bukkalo obu, Ne keenda kuzwa kuli ncico. Kufumbwa cintu citali mu Ijwi eelyo, Nse cisyomi. Inga—Inga nse cizumina. Ta ndaambi kuti inga Nse cisyoma, pele Nse citambuli; Nse cimvwisyi. Pele cindi canooli mu Ijwi eli, a cisyomezyo ca bukkalo obu, Nda cimvwisya. Sena mulacita? Akube kuti Mwami atu gwasye lino. Elyo yebo buyo...Ko tambikizya lino, ku lusyomo, syoma kuti mu i... busyu bwesu...Tuli mu Busyu Bwakwe, mubwini, lino, oyo nguwenya Jesu waka panga cisyomezyo eco.

¹⁹² Elyo mu Bbaibbele awa, Paulo waka nanikidwe, oyo waka jisi ziyubunuzyo zinji loko kusikila wa kaba akulibilika, “Alimwi waka jisi penzi mu mibili, ku mulesya kulisumpula atala lya kuvula kwa ziyubunuzyo.” Mwabona, wa kalemba Bbaibbele, wa kali nanikidwe loko. Wa kalemba Mabbuku aa Bbaibbele. Mbali Musa, wa kali musinsimi. Aboobo walo, Ijwi lya kaboola kuli nguwe, nkabela wa ka Li lemba, alimwi waka zumizigwa mu Magwalo, Malembe asetekene. Lino wa kali umwi oyo—oyo—oyo waamba i...usyoma ceeci, kayiisyia zintu ezi.

¹⁹³ Lino amuyeeye kuti Kristo wakabuka kuzwa ku bafu alimwi uli akati kesu. Elyo kobikka eco mu mizeezo yako, Kristo wakabuka kuzwa ku bafu alimwi uli akati kesu.

¹⁹⁴ Lino, twa kabona misyobo yoonse ya milimo mipati, a koongolola a kulumbaizya Leza; yoonse mibotu. Twa kaambaula mu myaambo a kusinsima, a zyoonse. Twa kabona zyoonse ezyo. Eco cili kabotu. Ezyo ziboola antoomwe a Ncico ncobeni.

¹⁹⁵ Pele, amuyeeye, cintu camamanino Mbusyu Bwakwe Bwabuleza, Ijwi Lini. Walo ndi Ijwi. I Mutwe, Ijwi, Li boola ku Mubili. Mwabona? Elyo mpawo Ijwi eelyo, mu Bahebrayo capita 4, kati, "I Ijwi lya Leza lilabosya loko, akuba anguzu loko kwiinda panga lya mabemba obile, a sikutwela wa miyeyeo a makanzaa moyo." Lino amubweze olo Lugwalo a kulutobezya kujoka nkoonya kuzwa kumatalikilo aa basinsimi, mulutobezyae moonya muciindi ca Jesu Kristo, a kubona ikuti na eco tacili cintu nciconya, cintu nciconya, kuti Ula zibwa mbuli Mesiya.

¹⁹⁶ Lino tali mutu umwi awa utegwa Mesiya. Walo Muuya Uusalala uli ngu Mesiya. Kristo a Muuya Uusalala ncintu nciconya, aboobo Ngooyu awa lino kaubeleka buyo mu mubili, kubamba Mubili *kulibambil* ku luzyalo lwa kukwempwa. Amu cisome, beenzuma.

Mwami Leza, kaka cilekela kucitika sunumasiku.

¹⁹⁷ Lino mu Zina lya Jesu Kristo, Nda bweza myuuuya yoonse omuno ku bweendelezi bwangu, ku bulemu bwa Leza. Nda amba boobo kutegwa mumvwisye. Mwabona, muta . . .

¹⁹⁸ Ikuti na ula zumbauzya, yebo—yebo, tacili cibotu kukkala kwa ciindi cilamfu, nkaambo bantu banji bakkedo awa, kwiina kuzumbauzya, bakabona eco cicitika ziindizimwi kuli basikutasyoma. Ciyo zwa kuli umwi kuya kuli umbi, mbuli mbo cakacita mu Bbaibbele.

¹⁹⁹ Mbangaye banu awa bali mukukomba, bazi kuti Ndili mweenzu, nsezyi cintu kujatikizya ndinywe? Amu tambike maanza anu, kuti mula komba, aboobo mulizi kuti Nse zyi cintu kujatikizya ndinywe.

²⁰⁰ Yebo, oyo mwaalumi ukkede alya usamide tayi usiya, undi langide mpoonya awa.

²⁰¹ Lino amulange. Mwaubona oyo Mumuni? Sa tamu konzyi kubona Oyo? Buyo Mumuni wa mubala wagrini golodishi, wayelo akusalaluka aansi awa.

²⁰² Sena ula ndisyoma kuba mulanda Wakwe, munene? Ikuti na Leza wakonzya kundi yubunwida penzi lyako mbolibede, sena ula syoma, inga wandi syoma a moyo wako oonse, inga wa syoma kuti wakali Leza? Sa inga wacicita? Sa inga wasyoma kuponesegwa kwako kuti inga kwasika? Uli jisi kkaadi lya mipailo na? Peepe, to lijisi. To yandiki ndilyo. Penzi lyako lili mu kutwi kwako. Ikuti na mbo mbubo, tambika janza lyako. Lyali mu kutwi kwako; tali ciko lino, ikuti na ula cisomma. Nse muzi mwaalumi, nsena mubwene.

²⁰³ Lino ngooyu mwaalumi uukkede nkoonya kuccilila nduwe. Walo ubaanga ula paila. Walo upailila cintucimwi cilubide kuli nguwe. Ko ndilanga, munene. Uli jisi kkaadi lya mipailo na? [I mukwesu waamba, “Peepe.”—Mul.] To jisi. Ula ndisyoma kuba mulanda wa Leza? [“Iiyi.”] Ula syoma eco Nce kwaambila, Bwini? [“Iiyi, munene.”] Ula syoma kuti Mbusyu bwa Jesu Kristo? [“Iiyi, munene.”] Ula syoma na kuti musana wako uyooba kabotu kuzwida lino? Ula cita na? Tambika janza lyako. Ikuti na ula syoma! Wabona?

²⁰⁴ Lino amu mubuzye muntu. Nseno mubwene mu buumi bwangu. Ta guma ndime. Uli tukokola tuli makumi obile kuzwa kuli ndime. Ino waguma nzi? Eco cizulizya Lugwalo. Wa guma Mupaizi Mupati. Wa kali kkede alya, kapailila kuponesegwa. Mwabona, wa guma Mupaizi Mupati ukonzya kugumwa kwiinda kukulimvwa kwa kulengauka kwesu. Mwabona?

²⁰⁵ Lino, ino uyeeya nzi, mwaalumi mukubusyi uukkede kusule okuya, mulombwana mukubusyi undi langide kugama loko? Sena ula syoma kuti Leza wakaponya penzi eelyo lya nsa ndyo jisi? Ula cita? Tambika janza lyako, ikuti na ula cisyoma. Yebo uyanda kuleka cilengwa eco nco jisi, ayebo, ko sowa misanga yatombwe? Kovukauzya janza lyako mbuli *obu* ikuti na wacita. Mpawo koisia ansa a kwiiluba. Jesu Kristo wakaponya. Ikuti na wakonzya kusyoma!

²⁰⁶ Nkoonya kutala kuzwa kuli nduwe, ngooyo mulindu ukkede uusamide magilazi. Walo uciswa penzi lya kulibiliaka. Sena ula syoma kuti Leza ula kuponya, mulindu? Tambika janza lyako ikuti na ula cisyoma. Ncibotu.

²⁰⁷ Sa ula ndicitila luzyalo? Kuli mulindu muniini ukkede moonya munsi lyako, uciswa penzi lya kubukaintu, penzi lya bukaintu. Mbo mbubo, mulindu. Tambika janza lyako, ikuti na eco cili boobo. Kusweka. Bikka janza lyako aali nguwe, kutegwa abe kabotu, nkaambo ula syoma.

²⁰⁸ Kwaamba, mpawo uukkede munsi lyakwe, umwi, wabili, ngooyo Uli mpoonya atala lya mulindu umbi ukkede moonya munsi lyakwe. Walo uciswa maulu akwe, penzi ku maulu akwe. Ula syoma na kuti Leza uyo ponya maulu ako? Tambika janza lyako. Mpawo we. Mwabona?

²⁰⁹ Mula Mu syoma kuba Jesu Kristo mbobuca nguwenya, sunu, amuya myaaka?

²¹⁰ Mula syoma, ukkede awo? Nkoonya kusule lya mwaalumi oyu uukkede awa kumbele, mulindu oyo uukkede *awa*? Sena ula syoma kuti Leza . . . Uli jisi zintu zya ntenda zyobilo. Cimwi cazyo ndi kkulenge; cimwi imbi, ncoondamazwi. Ula syoma na kuti Leza uyo kuponya? Ikuti na ula cita, tambika janza lyako a kwaamba, “Nda—Nda syoma.” Ncibotu, syoma.

Sena mula syoma? Uli muku simpikizya cipangano.

²¹¹ Ngooyu mulindu uukkede awa uundi langide, nkoonya kunze lya mwaalumi oyu. Walo usamide dresi libonekaa kusubila ku musyobo umwi. Lisubila; atala *awa*, nsweta, inga yaba. Uli kule maningi; kula siyasiya okuya. Kumane, mwabona, eco cikubamba kukompama loko, cintu coonse citalika buyo kubaanga mubala wa mukupa kwiinda mu kaanda.

²¹² Kwalo, ngooyo Uli imvwi, moonya muli nguwe. Mwabona Mumuni oyo? Walo ukombela cintucimwi. Ikuti na Jesu Kristo uyo yubununa kuli ndime eco nco kombela, sa uyo syoma a moyo wako oonse? Uyo cita? Ndili mweenzu kuli nduwe, alimwi uli mweenzu kuli ndime. Pele ujisi kukwabana a Mupaizi Mupati, nkaambo cizibyo eco Nca ndipa cili atala lyako ncobeni, wabona, wabona, citondezyo. Ndi lizi mbo cibede.

²¹³ Ujisi penzi lya kulibilika kapati ndyo ciswa. Alimwi akwalo ujisi cibozu aa kameneno, eelyo ndo ciswa. Ikuti na eco cililuleme, nyamuna mujulu janza lyako.

Yebo watii, "Inga wabona eco."

²¹⁴ Yaa, boola . . . To zwi kokuno pe. Yebo uzwa . . . To zwi ku cisi eci okuno, busena obu. Yebo uzwa ku Memphis. Mbo mbubo.

²¹⁵ I mulindu uukkede munsi lyako, awalo wakazwa ku Memphis. Sena ula syoma a moyo wako oonse, mulindu? Ula syoma kuti Leza inga wakuponya? Sena ula ndisyoma kuba musinsimi Wakwe, na mulanda Wakwe? Eco cilembya bantu, mwabona. Ula ndisyoma kuba mulanda Wakwe? Ula syoma na kuti ngu nguwe Leza cicita kwaambaula oku? Yebo ulizi inga Nse ziba cintu cijatikizya nduwe. Ula syoma na kuti inga waba Leza mpawo? Ncibotu. Ula syoma a moyo wako oonse. Elyo ujisi, eco nco ciswa, ujisi ii . . . ujisi penzi ku kameneno kako, ayebo. A cintu cimbi, ujisi kakoto, cikoto ku lubazu lwako. Sena ula syoma kuti Leza inga wandaambila lubazu mocibede? Ikuti na mbo cibede, tambika janza lyako ikuti na Nda kwaambila bwini. Cili ku lubazu lwa kululyo. Wabona? Wabona? Sena ula syoma kuti Leza inga wandaambila kuti nduweni? Sa eco ciyo kugwasya? Nduwe Muka. Cox. Mbo mbubo. Wabona? Ko jokela, wabona.

²¹⁶ Sena mula syoma? Nyoонse mula syoma na? Mwabona, oko nkusimpikizigwa kwa cipangano ku Lunyungu lwa Abrahamu, ikuti na mula konzya kusyoma! Mwabona?

²¹⁷ Awa, kuli mwanakazi muniini ulede awa aa cibwezel. Sa inga wandimvwa, mulindu, ulede a cibwezel eco? Inzya. Nse konzyi kukuponya. Nse zyi cintu cijatikizya nduwe; uli mweenzu buyo kuli ndime. Pele sena ula syoma kuti Jesu Kristo inga wandi yubunwida penzi lyako mbolibede? Sa eco inga cakugwasya? Sa, inga cacita? Ikuti na kolede awo, uyo fwa. Ujisi buyo ciindi comwe ca kupona, eco nca kuzumina Kristo. Uli jisi kkulenge. Mbo mbubo. Ula syoma kuti Leza uyo kubamba kuba kabotu

lino? Ula cita na? Tambika janza lyako ikuti na ula cisyoma. Yaa. Mu busena bwako, cintu biyo nco konzya kucita, nku buka kuzwa mu bulo obo; a kubweza eco ncolede, a kuya ku muunzi, kotaminina lusyomo lwako muli Leza, mbuli Lunyungu lwa Abrahamu. Buka, mu Zina lya Jesu.

Mwabona, waa kabuka, kuti abweze cisyomezyo cakwe muli Leza.

²¹⁸ Mbangaye bamwi banu basyoma a moyo wanu oonse lino?

²¹⁹ Koimikila. Uli jisi nsana; Leza uyo kupa nsana. Buka, ku matende ako. Ngooyo mbwabede, atala, kuzwa ku cibwezel.

²²⁰ Lino nobamwi banu bayanda kutambula Jesu Kristo, amwiimikile ku matende anu. Amwiimikile ku matende anu. Amwiimikile, koonse, kamutambula Jesu Kristo mbuli musilisi wanu.

²²¹ Mwami Jesu, ponya umwi aumwi wabo. Ko cipa, Mwami. 

JEHOVA-JIRE 1 TNG64-0402
(Jehovah-Jireh¹)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwane mangolezya, Mukubwekaangala 2, 1964, ku 4-H Club Barn mu Louisville, Mississippi, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org